





讀史亭詩集卷六

南陽彭而述禹峰甫

七言古一

靈石縣南淮陰祠

六國灰燼何茫茫飽食伏肉秦始皇燕有名儲奮厥螳  
千金爲人壽北堂悲歌易水濺衣裳七見圖窮還自戕  
是時將軍蠖屈淮陰傍冷眼唾手觀興亡江東烏騅銳  
莫當只合垓下泣數行尺寸山河歸咸陽長者寧惜一  
假王俎醢何須怨彼蒼辟穀虛傳張子房一生恩怨只  
女郎漂母淮水呂氏未央君不見王孫土與明妃墳或  
如朱丹或如靛奇冤別恨無處白天地千年爲改色



同劉講山飲鄭天玉園

甲申春揚州

霏煙淡瀉細雨宜白花青果相宣垂海上蚌蛤江中鮓  
珀光激灑巾角敬嬌鶯雛燕翻來遲如雜歌板吹墳篋  
雄文一卷粲棗梨滄溟欲枯華峰低有如駒駝奮神姿  
朝馳荆甌夕月支我為捫讀長嗟咨珊瑚十丈照江瀾  
昭明文選三絕碑曠世如君真一時風翻滹沱走旌旗  
天津柔櫓蟠蛟螭稻糧宿飽羽林兒磨濯棠谿振鐵騎  
嗚呼長子誰帥師潼關榆塞不復支十萬解甲空熊羆  
而今流落清河渚北來經過淮陰祠不見王孫意空悲  
之子騰驤馳九達軒轅之法陰符辭淬鋒截海刺鯨鯢  
喝斷蘆溝死紅眉我方氣竭西山睡鋸牙箭羽出歲蕤

孤艇煙波貯子皮虎丘霍圃任所之曳尾自惟快塗泥  
不妨種藥兼采芝揣摹如君當自知碧竹蒼石照幽奇

江浦曲

前日到宿遷縣今日過清江浦夜來巨浪疊如山天風  
吹隋龍腥雨雨下麥田兩岫青春艸蒨蒼氣冥冥海鷺  
與胡燕翩翩遮小舫煙成萋墳古城殘壘夢縈亡慈感  
彼逝水躍馬鳴狐毒九垓新秩長跼何人哉手刃虺蛇  
突圍西來今日兒女船中語不見一人淚如雨

峽川歌贈劉伯宗

乙酉

峽川詰曲盤幽窈六月陰晴幻昏曉蒼龍甲爪透雲根  
鬚鬚長鬣拖山杪溼綠毛雨泣殘紅石乳泯泯決清醪







書所見

投馬箠卸馬韉煮香粳烹小鮮若有人兮如雲氣吐蘭  
兮氤氳度吳歛之疊疊曳蜀錦之鱗鱗玉管金徽動深  
曲酌醴馥馥醅觴綠羅襦朱袿笑遲遲珊瑚枕雜貂襜  
褕阿誰尸之羽箭兒闐闐衙衙姿軒渠破人之壁穿人  
屋枳落駕豚無遺足白日陰曠老穉竄駭裹蹠如飛  
電朱雀芟芟蒼龍躍推埋紛拏溷廁遍乾坤無地無鉏  
鋤君不見河北熊羆江南虎

乙酉季夏遊昭明祠

秀山蜿蜒鼓草綠有客躑躅窮椒麓朱甍碧瓦對石床  
一泓古水吹蒼竹空山偃蹇六朝墳斷塹荒城度白雲

纂組百代心良苦不得君父誰共語李白詩魂結秋浦  
風流文采照茲土同為蕭李稱王孫生前杖履如接武  
凍雨颺風捲幕來芭蕉車蓋葉翻開江南幾許帝王陵  
采樵驅犢凌崔嵬殞折英齡白日匿天道非耶不可測  
白冤誰復借賓客世子之篇空抑塞醯雞腐儒漫嘈嘈  
耳食蘇公為弁髦獨不見草堂杜二名詩史屢以遺文  
教厥子管匏迭奏亂鐘鏞作者述者同其功

擒虎行

往年虎蹲山中今年虎齧山下乘風虓闕飛走窮白日  
啞人虐長夏魃羅羅不一族慣於淺草路傍伏劉昆  
不復法雉死忍令弱者強之肉昨者巨寇武昌營十萬



重圍池陽城嗟哉此方阨百六千戈滿眼虎憑陸山中  
父老爲余言有般斯首薄鄰屋疎籬牛後透爪痕劓肉  
如拳牛失魂乃置胡髯機阱中往來曾不嗅厥門爲笑  
此物一何狡不將七尺營饑飽依徙異林吼谷風金質  
烜烜星明昴亭長有待擊重瞳劉璋未許坐山窮君不  
見射石斬蛟彼何人酷吏角翼漫爾雄嗚呼世間可畏  
非毛蟲

胡鍾郎舟妓曲

江煙暮壓蘆光白晨粉宿脂凝翠額鬆鬟馥郁寫薔薇  
剪剪秋泓沉琥珀我來排闥坐匡牀錦纜風前飛彩鷁  
握手一笑池陽人揮別高梁四五春春花春月燕京道

地棘天榛傷懷抱驂騑塵蹴進賢冠金雀銅駝飛野燒  
間關娉婷走江南匣電三尺魚皮函崖蜜撮飢殘紈扇  
朝華晻靄齒苔面門前車馬意如何笑他潯陽夜半歌

同黃仲霖看廬山歌

乙酉

潯陽江上廬山青長虹蜿蜒亘天半我來正值八月時  
落葉寒蛩淒古岬幾家屋舍火燒殘將軍猶未罷征鞍  
柴桑故里風浙浙琵琶洲上露溥溥良宵恰遇驄馬使  
爲我投轄復倒屣胸中磊落龍劍鳴慷慨悲來肉生髀  
憶昔君在大梁城銅鑊鐵騎兩年聲蛙竈自屬保障力  
張許徒博鼠雀名一朝姓字聖人知惠文峩峩凌具茨  
黼宸爾時念瘡痍十萬金錢長河湄亡何大厦燕山折



南國君臣安庸劣君時按部三楚中排闥天門飛列缺  
炙手可熱彼何人青宮蒙難黯紫宸義旗直下小孤山  
露布淋漓泣鬼神漢業灰飛天殫怒從此銅盤泣仙露  
秋笳感策吹秦淮傷心松柏鍾山路我今歸里過江州  
十年舊夢廬山遊得君稱地主况復遇中秋領略烟嵐  
几席間五老香爐杯中浮我聞此山瀑布甲天下燿雷  
蒸雷靡晝夜攜手絕巘不爲難桂魄寧馨月華瀉海內  
風塵戰血腥鼻鼻空傳燕然銘向來印綬慙五斗誰教  
猿鶴負山靈片帆明日西江去蘆荻深處看野鷺多應  
回首匡廬間山帶瓔珞白如絮

重九武昌舟

前年此日并州城竹屋悲嗥不勝情左妻右子泣孤熒  
葬母平陽淚縱橫既入淮泗通廣陵道塗草竊復叛兵  
一身狼狽達舊京楓林颯颯棲霞鳴長揖鍾阜秋浦行  
五十八灘勢砢礪二年蒼狗雲陰晴亭亭松柏祖父塋  
可堪鮮民無弟兄七尺揚顯愧所生今歸計將母柩迎  
茱萸河邊藝杜蘅秋風九月報水程荔子黃與蕉葉平  
武昌殘郭飛鼙鼙黃雀碧瓦雷電驚儵忽籬間黃花明  
摧膺如雨泣落英霍山宿草纏荒荆廿四月中戎馬征  
市來楮鏹啼無聲屏風嫋冉見紫莖

楚王城行

頽垣落日樊山道牧馬兒童纓珞帽江風鏗鞞呼垂楊



十圍松柏鴟鳶叫熒熒青火飛蒼篔簹參差鴛鴦沉野燒  
碧甃朱甍荒壘存芳草無復舊王孫憶昔分封亞秦晉  
剪桐賜履備楚藩奕世其昌史卜之汝往欽哉天語溫  
甲第縱橫連天起珊瑚翡翠如雲屯彤管朱徽琥珀流  
鐵笛戰退黃雀樓趙玉秦聲闐金屋蹴蓮舞燕動篴篥  
瓜綿一世至二世本支繁衍多昆弟林立邸舍轟峻增  
阡陌王田富租稅蕭牆內外備將軍老拳爪透稱儀衛  
三月春遊卓刀泉蛾眉嬾娜拜鞦韆雷車風旛黃塵起  
桃花李花漾芊眠菡萏初放小亭前到來秋夜月娟娟  
六出不綏朱門裏三時佳興非偶然亡何妖躔見黑眚  
百二關中賊壓境鳴狐躍馬誓蒸徒流血漂鹵填胥井

大河以南鮮堅城雒邑既陷襄陽警凱音次第達明光

劬書不上中書省猶憶癸酉五月時石榴開遍舊來枝

渠魁

謂張獻忠也

夜問黃州渡鐵騎直逼洪山祠登陴戰士如

兒戲十萬豺虎搏堦墀兜鍪耀日柳葉明殺人如麻尸

縱橫罟魚帝子驚撒膳雕弓忽入長楊院嫵婉魂飛水

晶簾奔崩失落明珠釧鬢鬢隆準被生擒筍輿長謝丹

青殿伊人宛在水中央江聲霹靂磯頭濺通判長史高

與徐

通判高景星長史徐學顏死之

一擲頭顱漫躊躇可憐杞梓材半盡可

憐椒蘭澤欲枯

故相賀逢聖死之語生明睿一門全節

弔古空傳賈太傅投江

不少屈三閭况復寧南捲土來長江一炬嗟焚如二別

山邊青青草白珩不見無以寶大言賦就綠林灰細腰



人向黃巾老 去年我自九江來 千里蕭條傷懷抱 看來  
不獨楚王城冥冥天心何足道

弔楊杏園君諱暄

渭南大令能死節 十月霜風感城裂 頭顱一擲等閑看  
白刃如飴濺頸血 渭流春漲魚波腥 青火迷離吐孤城  
長年俎豆宣王宮 寒雨如絲泣鬼雄 君不見將軍之首  
太守舌渭南大令能死節

空印歌 丁亥

仲冬我上祝融峰 有僧指我茅坪寺 茅坪一望樹茸茸  
北風浙瀝黃葉墜 僧言衲是鄧州人 祖父犁鋤湍水濱  
蒼茫略記丁丑春 人死如麻白骨隣 夜半縋城從此逝

一瓢一笠漢江裔 無端遠涉洞庭南 一住衡山十二歲  
蒼耳食盡劓黃精 七十峰頭白雲生 日斷鄉關無一字  
南浦不聞鴻雁聲 弟子前日來石鼓 爲言憲使湘江滸  
荒山不識宰官誰 驛卒喧傳是中土 山僧依稀記姓名  
文章鉅公身是彭 又聞長老爲余說 此日建牙永州城  
永州距衡三百里 去來衣帶湘江水 我方早採穀雨茶  
明年訪汝鈇鋤裏 我爲聽罷飲一杯 今日眉峰爲爾開  
好坐蒲團待我來 共訂法華禹山隈

寄王北幹

我所思兮在衡陽 南天門下老楓香 中有道士鬚眉蒼  
自言生長嘉靖皇 祝融海日氣茫茫 水花夜半濺衣裳



萬山飄颻秋葉黃北來胡雁斷翱翔憑高登之見瀟湘  
樗蒲歷歷走白霜安得攜手我友再徜徉手扶岫嶺燦  
寶光衡山脚下督郵堂有客和之詩四章

魚塘歌

曉星缺月客行早車轂鱗鱗湘鄉道昔來湘鄉五月初  
榴花明媚朱顏好繫馬邵陵間悒鬱傷懷抱南方苦蒸  
灼蟣虱况群盜夕陽岍憤城東郭江流直下雙清閣雙  
清閣上砥柱磯修竹長松雲外落分藩使者夏長公手  
攜一尊每與同弓韋矢箠兩月中駸駸匹馬我復東四  
鼓發前騎萬山響秋蟲早田香秔熟破臼老婦春幾回  
憶君重搔首濕烟冷霧魚塘柳魚塘居人十萬家雕梁

畫棟互倚斜主人何處去狐兔宵來遊蓬蒿滿目蒺藜  
稠爲兵爲賊者誰子碧瓦參差片片毀鑿朱提沽白酒  
鬻雛雞山之後勅戒兵子勿強梁此間土人畏爾如虎  
狼

湘潭紀事

去年黃葉落漢口桂楫蘭舟雲夢藪永陽繫馬及霜紅  
鈎鈎潭邊青青柳維藩有命我西征杜鵑霏霏倉庚鳴  
武岡西去豺虎橫白晝飛入靖州城砮石砰礮走列缺  
壯士兜鍪身流血萬山蜿蜒入黔江馬鞍風雨冷如鐵  
挽鞍又復到長沙有客贈我南嶽茶多情尚憶徐將軍  
琥珀爛熳喧棲鴉是時爰有岳陽卒羸馬一百五十疋



敵于敵甲溽暑中進發邵陵抑何疾邵陵剛遇夏使君  
岢嵐舊友八年人飽斟金壘向我酌都梁寇盜聲息頻  
炎荒崇人病徹骨湘鄉前館重來歇何當阿兒亦憊甚  
沉綿七月及八月湖南桂樹十丈高黃花綏綏委秋濤  
黑雲倒壓邵城折雙清赤染東門橋零陵衡陽鼓蟻蝨  
眼穿熊羆一百日汎掃欂星見雲霄何以酬之太階平  
醞醪之酒衡州橘

贈中丞詩

中州十年烽火餘八郡生聚不復初崑崙怒浪掀榮澤  
東京遺黎嗟為魚我皇御宇簡才傑惟公爰莅使者  
車漢家太守二千石赤轡皂蓋凌孟諸天子臨軒策

良翰乃為公也勞壘書古者方伯運帥職今之大吏司  
儲胥乃築宣房伐淇竹尋厥故道殫為閭有時疋馬入  
南陽有時褰帷臨陳睢維時餘孽起新野揭竿嘯聚繁  
有徒公為方略捕械之在泮者馘原者俘此中不少迫  
脅人實維鄧之西南隅刺史解慕彊禦名遑辨淑慝悲  
焚如公也清問為流涕寧失不經勿無辜為解其縛為  
脫驂之死而生惟須臾時予督學叢生儒澧蘭湘芷芟  
榛蕪郵籤作文記其事豐碑直壓龍岡嶠此時憶公未  
見公欣逢朝覲趨鴻臚公治天下為第一天子手錫錦  
繡襦未幾節鉞臨湘沅我亦分藩聯蒼梧零陵邵陽多  
群盜綦綦千里飛封狐公誓滅此方朝食磨厲鶴膝穿



犀渠風雲變態祝融頂鵝鸛響徹帝子湖昔者陸賈到  
番禺尉佗改號臣老夫南海東西數千里和集百粵通  
剖符又聞徵側徵貳亂炎荒矍鑠翁為擒其逋及其傳  
首洛陽日進爵新息賜大酺君是經綸草昧手况復公  
孫自碩膚射隼何須計高墉即鹿林垆其無虞自此南  
人不復反北歸還拜諸葛廬

漢口別夏令源

時同李淑元王北幹程雲臺許香巖即席賦

春雨淒淒漢陽舟相逢共醉晴川樓短髻蕭疎不勝愁  
大別二別鬼啾啾中有王郎氣最道讀書萬卷開雙眸  
一朝拉我洪山頭賦成擲筆鸚鵡洲左攜程子右夏侯  
江空日落聽棹謳古刹龍象金碧稠青苔茁茁石華柔

三過漁陽雜筮篋夏公浮白碑礪甌目前勁敵誰其儔  
憶君昔在岢嵐州塞草沙磧邊笳秋我亦種花汾水流  
與君把臂同鳴騶揭來天地叢戈矛子入雲中我東遊  
越絕吳趨客如郵七八年來不可留方舟共向瀟湘浮  
邵陵幾度成糟丘雙清閣下魚儵儵蒼柏幽篁掛猿猴  
我方夜郎振貔貅終日饗士椎肥牛八月高秋潦新收  
興國寺裏聞鷓鴣盜賊如麻恣虐劉上湘中湘風颼颼  
我今遇子百其憂世路崎嶇何須尤酈陽許子礪吳鈎  
画上麒麟不可侔緊惟李公向我謀雙柑黃鸝好相求  
家有秫田堪耒耨纂纂羊棗夾紅榴我將遲子穰西疇  
歲時伏臘飽乾餼不羨人間關內侯



許菊谿使楚竣旋里予自湖南罷歸聯舫入襄舟  
抵仙桃鎮泛月觀劇因話往事酒酣菊谿有作和  
其韻

雲中矯矯雙黃鵠南北飛來江水綠鳳凰山上歌復哭  
生死六年如棋局自別爾來我亦官聊復爾爾未免俗  
秋風不厲蒼鷹翻行坂幾蹶驂騮足猶是漢陰誰投珠  
再過荆山聞泣玉蠻谿苗崗古戰場餐眠動與干戈觸  
九折雖云叱馭艱雌伏懷安非所欲每於馬上讀殘書  
匆匆旅夜燒短燭悲來幾醉君山酒澆胸不少衡陽醪  
無端更建夜郎節銅鼓山邊閃大纛羊腸橫亘千餘里  
堯堉何處平田沃民間猶用諸葛禮漁家解唱禹錫曲

杜鵑聲夾短狐鳴江水砮礮飛石歟是時寇盜從西來  
沅撫宵奔棄長轂我率麾下戰邵陵雙羽腰鞬自結束  
坐上揖客幾後輩堦前將校或舊屬南人未服多反側  
王事靡盬用相促楓木嶺邊戰陣多紫陽河上重恢復  
只將筋力盡蠻荒那知黔楚分疆域八百洞庭重鼓楫  
庾亮南樓乃再矚今朝聞命得歸田草色芳洲看繡縵  
畫舫好月仙桃鎮笑殺市兒失寵辱亦知宦達等戲場  
蹉跎良宵難再贖此去高卧禹山隈多種黃精好自劓  
還吹橫笛和陶詩出卜不勞更握粟

漢水舟次同許菊谿再步前韻

乘風短舫疾如鵠依依楊柳眩睛綠君承使命我歸來



楚國相逢不一局抵掌衣冠優孟場難將此意告薄俗  
六年別緒喜兼悲把臂故鄉意良足憶爾向來賦擲金  
長年契濶人如玉伊余祿相不宜官鳩拙輒與世網觸  
家山鼓桂招我還永矢勿諠固所欲幾番落月滿屋梁  
趁此宵闌更秉燭漢水既不西北流眼前莫負杯中醪  
與子呼盧復徵歌醉來漫說曩時燾腕蘭拂拂杜若香  
大麥小麥青沃沃與君西指峴首雲倒羅共聽大堤曲  
猿窟莫將三徑疎虎豹從教九關歎問君裘馬遍長安  
如我兄弟幾連轂顛狂羞供吳儂憐絲來放達恥拘束  
金山菊水俱情性百里風壤相聯屬我歸作誓告先靈  
子亦北裝莫太促相期共有千年業名山著作勞往復

仙人丹竈老青鞋判教塵俗分疆域蒼崖砢砭八千仞  
倚帝山椒縱互矚竭來岍幘劃長獻山中禮節去其縲  
自憐壯志已成灰何事虛名乃再辱呼兒速為糟丘營  
失侯不須耐金贖霜後蟹螯客共持露下藥苗手自劬  
醞珍何必大官廚饘粥飽我陳陳粟

惜阿喜

有引

阿喜者岳之臨湘人年甫十四自長沙隨予入  
寶慶為言幼為兵所掠日事薪樵遭兵婦答楚  
不能為命順治戊子仲夏予方提師入黔喜來  
掃除滌器侍悅沐皆精勤率訓不犯主人嗔予  
念此兒離亂既失本生父母獨非人子歟善畜



之已丑春予罷歸隸中狹僧者乘隙解去喜依  
依無他志舟行抵襄陽四十里日將暮黃頭使  
船走風飛帆如鳥喜身緣舵上屋簷將嬉其上  
日以為常乃竟以是隋水死長沙姬人念而哭  
之予心惻為之廢箸作惜阿喜詞

阿喜生長洞庭浦頭角未成失恃怙鐵騎一朝捲地來  
風散蓬根離故土沒身入奴在潭州冬夏斬木山之幽  
有時牧豕兼捕魚阿婆刺刺詈不休自歎此身欲擇主  
倉猝遇我邵陵府追逐獠奴阿段群脚踏黃泥冒暑雨  
馳驅漸看梧葉落白露盈盈霜花薄長沙群盜六十萬  
箭如蝟毛生城郭是時圍解我北來岳陽路上雪皚皚

一寓臨湘八十日桃花杏花各爭開竭來得遂長林願  
一棹漢陰草蔓蔓阿喜戀戀隨北歸三月解纜黃鵠磯  
鹿門灘上春風厲沙棠舟去疾如飛阿喜短肥學升木  
舩板搖落舵間屋不葬螻蟻葬江魚刻舟難求峴首麓  
主姬念汝意酸辛枉把恩勤付水濱向來躍馬食肉者  
掉臂而去彼何人

常德遇宮辛巖

太原古城連荒塞灑灑汾水來西北我昔筮仕慚五斗  
腰間印綬太行側登臨幾醉汾河柳桑落酒帶琥珀色  
別來海內箭滿眼再到并州不可得竭來羸馬走湖南  
相逢故人一歎息荒祠再拜馬將軍楚王宮裏生荆棘



却憶先朝舊督師狼燾不歸再辱國襄陽失陷洛邑崩  
黃巾馬向桑乾勒空餘城頭一片石磨刻姓名在常德  
新廂驛有引

岳陽南去六十里為新廂驛甲第雲構轟斜可  
五六里自兵燹來強半劫灰剩瓦殘磚草木蕪  
穢兔穴雉雠廢井荒臺行客酸鼻西距五里是  
為黃氏村大厦維多馬上遠望屋出林表略有  
人爨其下行者息焉予戊子冬以撫黔役為當  
事者見謫奉命還里憩於茲時薄雪衰林敗葉  
霜委寶慶夏少翁揚名太守閔先基邵令晉承  
柱激浦令雷鳴臯俱為寇所窘一時並至是維

臘月七日為少叅誕辰爰酌村醪為壽醉而罷  
閱今年庚寅予奉定南王徵再經其地念諸友  
既飄零不復聚而此屋有緣薄言信宿睽懷舊  
遊能無載歎因為長歌紀事

湖南山水看不足三年兩度此間屋一者寒雪載道塗  
一者黃鸝囀夏木憶昔諸子共稱觴旅舍蕭蕭跋短燭  
邵陵藩伯夏使君紛紛年少吏若屬一朝越寇捲地來  
兜鍪感裂湘山竹酒酣耳熱起傍徨漁火不聞欸乃曲  
平明上馬入巴陵八百洞庭纔一束諸君既去我亦歸  
閉門掃軌金山麓今朝重復下湘陰三載缺隙一何倏  
新廂草茂高於人攬轡荒街驚起鹿竭來舊館猶歸然



前度主人曩時僕昌邑夏老歸山東太守大令具在逐  
汨羅何處弔屈原長沙少年應痛哭古來放棄楚澤多  
况今諸子經余日子桓欲報吳質書南皮舊遊不可續  
雪中鴻爪尚依依歷落晨星感太速不堪回首憶故人  
歎我馬蹄空碌碌

虎丘行贈荊州太守袁籜菴

虎丘片石何崢嶸千年生長姑蘇城仲謀舊井要離塚  
鬣鬣老樹蒼龍精籜菴苞孕適此地揚子欲枯金焦平  
六代禮樂延陵劍上國衣冠黃池盟慣逢文舉呼大兒  
不教作賦屬長卿朝刷燕薊暮甌越流沙西渡南過衡  
足跡縱橫一萬里二十八宿失晶瑩明光殿上奏黃鍾

天池鼃蛙不敢鳴有時彈箏入秦隴有時鼓瑟過洞庭  
優孟寂寞叔敖死曹植水澡邯鄲生我以十年意中人  
良二千石識楚荆珊瑚擊殘蘭膏滅瓦間鸚鵡桺上鶯  
此時把臂望東南下士大笑蒼蠅聲

與李燦字叅戎同舟話舊

有引

李名東斗關東人順治丁亥以叅戎鎮永余以  
是年受分守命旣抵永相得如舊交戊子春余  
奉定南王題請撫貴遂別去是年七月十七日  
寇來攻永公出死力且守且戰大創賊無算賊  
愈益衆多圍城三匝援絕糧盡人相食凡百零  
五日不解至十一月初一遂潰圍出賊尾之公



以數十騎接戰齟齬五晝夜乃達岳余又以前  
後至岳倉卒一臂東西會庚寅五月余奉定南  
招來衡李適以他事自武昌來艤舟岳陽樓下  
余以馬行倦不能辛苦遂同以舟南朝夕几榻  
茶鐺蚊幕久不相見私語道故不能盡悉志其  
中間離合之境及別來兩人死生閱歷之態詩  
曷可沒耶

江南五月花的的沙棠舟去快於鷁萬頃水色一拳山  
巴陵道上人吹笛此地逢君不偶然憶得前年霜滿天  
獺獠亂齧巴蛇冢岳陽樓上不飛仙馬首相逢萎百草  
臘月袂衣猶未襖驃騎雲夢獵初回郵亭金盤擊鮮麋

時修將軍  
送鹿共食

問子何日離永州別來無日不兜鑿山城群盜

結如蟻投鞭直斷瀟湘流自從七月至十月砲石如雨  
戰不歇竈間爭產晉汾蛙睢陽食盡中丞妾髑髏滿地  
火燐燐重創扶病餘幾身將軍裹藥猶酣戰拔起傷殘  
氣嶙峋背城與賊共決死許國有如此江水鍊衣猶自  
犯重圍誓不從賊為君恥單騎冒雪走長沙山中蝮蛇  
多於麻肉茲群猊萬山中燐燐龍文耀鎔鋸我自暮春  
與君別牂柯西去泉幽咽豈知定南一疏力手拔餘生  
出虎穴無錫直指雅愛余好學相如撰子虛擊劾偏不  
及權貴皂囊為我賦遂初草草東西遂分首傷心芝山  
我去後何當邂逅復此間君山井邊人姓柳屈指倏忽



三年餘遭逢世路各崎嶇我今又向永陽去與子同舟  
朝與暮眼前俱是再來人如彼萍散與萍聚湘鬟曉髻  
拭粧殘長干不少九畹蘭不堪驅車舊遊處白骨如莽  
不忍看

送衡山黃令歸吳門

邑居南嶽東北隅瀟湘兩岨多鷓鴣頻年寇盜苦兵火  
監門難繪流民圖固山佟公靖萑苻上方親賜銅虎符  
投鞭飲馬洞庭渡蜚塢獠洞誅其逋首恢湘潭次衡嶽  
樓船百萬啣舳艫駉駒一鳴莽戎伏手攜瘡痍出菰蘆  
江夏黃童何來暮扁舟一葉飛東吳自稱身是次公後  
漢家循吏傳良模創齒群猊一百六跨馬虎穴手擊枹

岳麓培塿作京觀反接纍纍似貫珠自此哀鴻歸中澤  
強半菜色與短襦大軍之後有凶年天灾流行一何瘡  
公出腰纏炊作米家糊其口如哺雛祝融峰下多黃精  
山僧日劖數百株解囊四野起甓羸窮簷活得溝中軀  
國僑今是衆人母風詩賦我人居居一朝姓氏達宸極  
璽書纔下承明廬帝曰汝非百里才兼當家國草昧初  
我來駐馬衡山道朱陵六月如洪鑪到來幾宿清涼寺  
竹風習習吹欒櫚前日聞汝金陵去百千父老遮爾車  
有吏如子固信美不獨客中能好余湘干新到多名酒  
小壘餘杭大姑蘇與君共典鷓鴣沽曷不泥飲呼碑礫  
河朔舊欲逃三伏况是秋風落宮梧酒酣耳熱起狂呼



座中黃公歌嗚嗚石罅欲破天門開壯士沙場耀昆吾  
又如兒女小窓語喁喁爾汝恩怨餘前身應是周公瑾  
笑殺楚國優孟徒石頭城下六朝都金陵故有莫愁湖  
因君有懷舊遊處干戈未定杖履孤與君相期十年後  
壯心猶欲碎唾壺丈夫立功在麟圖不見乃公安事書

九龍盤

在衡祝融腳為  
三鼓林之一

萬山葱鬱氣冥冥九龍飛下濺石屏歎珠拖玉馳風霆  
上薄銀河走流星壽藤癭樹各青青下眎絕壑白粼粼  
板橋苔壁積如茵烏蛇蜿蜒丈八身猿猱攜雛舞蹲蹲  
時下山園偷果頻老衲見之不敢嗔眈眈相視齒齟齬  
秋蟲亂聒無晨昏風聲水聲不可論我來七月適中旬

僧厨飯客筭與尊靜卧不聞山犬信時復荒雞呼月輪  
飛樓丹閣臨深齋欲尋歲月無真珉開山阿祖彼何人

丹霞寺

丹霞本是南陽山如何移作南岳寺寺中遺僧為我言  
南陽始祖開此地此人姓鄧名天然長安謁舉兩不第  
擔簦裹糧過洞庭卜地岳南棲神志曾於脚底踏聖僧  
更向木佛燒舍利自從祝髮住空山至今石塔猶聳屨  
後來歸去老丹霞衡嶽猶傳丹霞字此事去今二千年  
南岳有圖寺無記謁來我亦南陽人四年兩作楚國吏  
扁舟數渡瀟湘濱策杖一拜祝融位不知丹霞是舊山  
瞥眼梓桑良可媿今者僧出篋中書咄咄反驚為怪事



分付他年住山人此事當入衡山誌

集賢院將去衡州別朱吉甫羅克生諸子

四年兩次瀟湘渡沙棠舟上看白鷺最久無如此番遊  
他鄉又是七月暮記我來時正清明家家楊柳寒食雨  
馬頭遙見鹿門山杯酒一醉宋玉墓荊州寂歷舊章臺  
霜梅鏡幹窟雙兔割據無復話曹劉登樓空傳王粲賦  
自此舟楫達洞庭萬頃波裏君山樹井邊不見柳毅書  
城角猶鐫杜甫句淒淒陰靄走星沙岳麓華表慙沓霧  
四月五月二千程中間戎馬行且駐榴花燦燦過衡陽  
香水菴中我暫寓一拜定南便辭歸王曰姑留不須遽  
金盤雕龍珊瑚杯葡萄名酒醉以飫舍此移棹過湘東

斗室炎蒸不堪住座間有客言南岳白雲深鎖無暄燠  
又言一入南天門萬丈飛瀑如灑瀨夜來寒氣積層冰  
六月衣被不離絮我來正值三伏中梧葉雖飛暑不除  
一肩行李岳廟前少帶紗羅多帶布集賢院內古先生  
此間俱是過化處七月十五上衡山朱子羅子向我語  
南天門下三禪林相連各有數百步肩輿蹭蹬入雲烟  
寄語山靈此再晤中山琅玕萬餘株寺南榔樹猶魁梧  
茅坪舊有百尺樓紅果離離瓔珞具溪聲對岫鏜鞳來  
中栽黃精與山蘄迤邐西去九龍盆石乳噴薄如甘澍  
陰壑烏蛇丈二身吐舌客邊不肖去夢中曾呖枕上聲  
蛟龍怒鬪霍然寤狙公呼類犯僧園盜得茄瓜大如瓠



天門南去不曾遊所恨但只方廣路下火場中羅生園  
蒼象紫駝簇相聚絳紗玉膚帶朱脣海棠千葉如錦鋪  
半百和尚雲間來手走龍蛇寫懷素中有一碧流瀟瀟  
有客錯指桃源誤下山白帝已乘權洞庭鴻雁且將度  
我當返轡入衡州南去蒼梧行叱馭憶子杯酒話朝夕  
此行難忘者杖屨諸公少年各努力天開草昧莫馳騫  
陸賈南來一紙書嶺外將軍銅作柱還期立馬九疑峰  
百粵山川歸指顧

九仙臺詩

長平山中九仙臺我曾半載坐徘徊風雲慘結甲申年  
黃河鍊馬渡喧豨庚寅之夏南遊楚驅馬衡山聊避暑

此地亦有九仙臺龐眉道士爲我語蒼藤九節綠玉杖  
穿磴詰屈秋虫響林禽樹下青蓮池一股甘泉颯蕭爽  
是時夜雨天初霽空階倚徙看石砌石刻滅沒不可讀  
髣髴猶見至正字傍鐫支干庚寅年爾時天子元順帝  
甲子五周年三百光陰百代真過客閱盡銅駝與石馬  
煙蘿不改道人宅今年又逢庚寅年挂驂遊此豈偶然  
紅桃離離青果熟茅屋雕胡炊白烟感茲歲月成歎息  
好憑雲母看山色

赤壁歌贈朱吉甫

子瞻才大故如海下筆原泉傾萬斛古今文人敏而瞻  
餘子雕虫空碌碌當年孟德下江陵八十萬人如蒼鷹



一朝糜爛遇公瑾江風火烈勢奔崩疋馬曹公華容去  
眼看赤壁成火樹自此阿瞞罷南征荊州猶歸東吳處  
只今遺跡屬嘉魚嶙峋赭壁半丘墟江干尚有祭風臺  
夜半殘鬼哭烏烏子瞻狡獪懸河口橫槊儼然覩醜酒  
兩賦草自壬戌年此事誤傳千載後黃州亦有赤嶠山  
山邊沙礫何斑斑謾把巴陵作齊安武昌西去荊州南

雁峰歌贈黃抑公

秋江潦水下千尺秋色飛入雁峰碧江上懷人天一涯  
南陽十五年前客我之師長君叔父白水城邊舊講席  
爾時伏轅太行側不則抱泣荆山壁求知羞上宰相書  
救時空具太平策曹沫三敗恥劫盟博浪沙中休大索

分藩使者闕山來如彼芥草引琥珀高築戰壘十二城  
屋瓦亂飛張衡宅公謂我曰此壯夫不比雕蟲乃執戟  
自從別後無消息或歸深山與大澤中原十載多豺虎  
鯉魚無腹雁無翮今朝送子在湘衡重訊黃公紫芝色  
阿咸正好凌青雲門下士已髮半白勳名將相愧河汾  
絳紗南郡空陳迹對子杯酒塊壘生雲臺無分商山窄  
誓將捨此去熊耳礪砢松與百丈石流泉濺入讀書聲  
白驢間襍登山屐何時有使報海東爲言此志終無斁  
富貴憔悴兩無著况復雲山萬里隔不及人間有子孫  
授此生徒亦何益

衡陽晤袁叅嵐話舊



秋風乍入衡山麓朱方亭午猶熇熇北來十萬羽林兒  
手擁雕戈腰挂箠一時破賊入邵陵威篋聲喧馬蹄蹙  
有客孤劍懸湘東居停斗大纜一屋瞪目北望洞庭雲  
葉下微波靜落木扁舟袁子何方來二千鄂渚水耶陸  
床頭舊有姑蘇春湘南况復香秔熟殷勤相對話契濶  
遠看祝融萬丈瀑七十二峰落酒杯勢如陣雲爭轟轟  
袁子酒勢作狂呼慨慷欲碎燕山筑憶昔繫馬黃鵠磯  
武昌城內烏食肉爾我悔為一官出時危豈曰眇微綠  
江東江西多戰船氣嘶強顏如奴僕子真有才踢鸚鵡  
捕鼠縛將麒麟足我時不飛亦不鳴日與諸生課卷軸  
屈宋文章不復昔楚王宴上冷樺燭私心不敢吞雲夢

抱璞官教荆山哭惟子與我相朝夕經營此事費心目  
別來倏忽已七年眼中晤言如信宿三月楊柳過潭州  
寺壁新墨光煜煜此詩弔古多感傷江邊漁父坐間鵬  
我謂僧曰袁子來訪我當在江湘曲夏來炎暑莫可當  
流石鑠金者三伏筍輿昨自登岳歸衣帶雲嵐猶堪觸  
果於此地得逢君可能不醉負醞醪只今百粵未休兵  
尉佗城邊多遺鏃君看入粵諸群吏龍箠食盡瀟湘竹  
舉世共棄一人知自有名山藏圖籙試看古來賢達人  
豈必高牙與大纛

孝源沒

蕪湖解纜大江流西風騷動黃鶴樓匆匆鷓首各分飛



我入秋浦子虔州左家將軍武昌起流血直下九江水  
揚子北來塞笳鳴鑊馬突入金陵裏我遂與子隔南北  
渺渺音書不可得遙聞司馬敗枋頭曾聽溫嶠思故國  
關心不止兒女情蜉蝣陰出蟀秋聲燕臺風沙梁苑月  
雞鳴曉露石頭城鄂渚未已零陵郡四載空霜入短髻  
入宋大令恥陶潛歸蜀進士愧梁震今朝勒馬向全陽  
湘山寺前蕉葉黃有客來自豫章水識得南贛李都堂  
慇懃訊子在何許為言已作嶺南土正朔相承三百年  
爾家鄧州兩宰輔前者秉鈞天順時玉燭春調丕丕基  
維子一木支大厦手抉虞淵日熹微出師未捷諸葛死  
漢業不成良有以地下無慚周世宗人間再見江萬里

仁化山高錦石屏云是相公馬鬣封嶺南舊有將軍柱  
年年陰雨杜鵑紅

桂林行

桂林西南山巖從四面石壁削芙蓉高帝猶子維藩封  
與爲訓梓爲剪桐黃屋左纛連崇墉獨秀矧碑王之宮  
上有朱鳳與銅龍碧甍金櫺十二重西秦烽火起關中  
終南焦爛渭水紅長驅直過潼虢東一時崩潰如轉蓬  
高帝子孫隆準公洛陽襄陽失其雄維時將相何龍鍾  
中使有旨觀軍容糜盡金錢帑藏空萬隊駃騠到宣同  
高梁石橋如蟠螭地維摧折神鰲窮鼎湖空遺烏號弓  
攀髯掛角不可從大清義旗誅元兇追逋直入九江



衝爲明討賊惟乃功立國七載亮天工西南聲教尚未  
通爰簡名王誓罷熊瀟湘河下水溶溶戰艦如山積艤  
艤銜枚壓城雨濛濛兜鍪耀日新磨礪三韓鏃馬嘶曉  
風桂林人散如驚鴻是年十一月之冬侯伯鼠竄無影  
踪王孫熟睡珠簾櫳留後閣臣曰吳儂倔强猶昔嗟老  
翁張家司馬氣如虹阿祖江陵舊相公二君孤憤在其  
中行止羞與衆人同連雲甲第玉玲瓏零落胭脂碎華  
穠梧州帝子尚呼嵩雲臺仗入水之深聞說嶺南虎豹  
鼓可無爛熳到高春

金口驛拜睢陽張王祠

九江砮礮風颭颭武昌上下山亂走扁舟有客自粵來

是日泊船到金口金口廟貌巍長干擊牲石上血痕厚  
堂構不知何王殿金碧穹窿篆蚴蟉半百黃冠爲我言  
神靈舊是睢陽守天寶之亂羯鼓鳴爾時熒惑犯南斗  
河北旣去潼關破長安如失左右手六龍西幸馬嵬危  
妖魂血污玉環朽公繫半壁在東南淮揚保障良非偶  
令狐子奇相糾纏彈丸黑子不足取唯公誓死裨孤城  
鷓鴣劍作蒼龍吼帳下美人善馬肉雜將雀鼠充軍糗  
軍中聞笛賦新詩墨氣潑雲生兩肘援絕糧空城以陷  
眼中蟻賊如瘦狗怒鬚蝟磔啜血紅嚙指斷頭猶不苟  
以身障賊蔽江淮太子靈武已稱后張鎬未死李郭生  
尺土復爲大唐有天將完節付兩人公也先之許也後



自古興亡若寒暑賣國偷生亦孔醜屈膝蒙面彼何人  
我公見之恐欲嘔千年溘藻楚江濱棟梁自與乾坤壽  
里中後學仰高山我今酌公一杯酒

趙叅戎歌

郎官湖上柳青青春草葳蕤漢陽城孤舟萬里蒼梧來  
官邸梅花爛漫開花香酒色何清醜金管叵羅含要眇  
半酣起舞屢傴僂礪礪之人眼中少將軍有馬白鼻騮  
產自西極來流沙自跨此馬七十戰閒在櫪間老自嗟  
秦堦既平櫬槍伏終日不能飽首藉况復西南多戰爭  
何爲馬此驂騮足夜中醉摩鐵兜鍪床頭寶劍鳴崩縵  
安能四十常碌碌馮唐李廣都白頭丈夫立功須絕域

或在五嶺之南雁門之北拔劍斫地欬歔何極試看屠  
狗販繒人山河常照英雄色

葡萄歌有引

舅氏述塘公客庭東偏葡萄一株根如秋虵蜿  
蜒亘互維葉萋萋風雨蔽虧每客盛夏觴其下  
飲筠筍麥釀見青果垂垂約如指拇大撞人頭  
角自兵燹秦關以來萬事類唐舅氏與諸表兄  
弟俱已物化今春余自粵來表姪輔臣招飲舊  
樓敗壁殘瓦巋然此物存昔人無復在者繫葡  
萄之幸歟人何以堪乃爲長言紀事

葡萄果熟香離離涼州十斛西風吹况是博望之故里



遠從流沙來月支扶疎曾記吾舅宅盛交深秋醉琥珀  
根如怒螭相糾盤披猖狂葉二千尺雕梁朱棟映南園  
瓦雀胡燕爭來喧維我常年坐其下竹枝白苧聞高軒  
竭來猓獮頻相逐中原旣死秦人鹿千村烟火百村燐  
十年塵劫化親族重遊我媿魏陽元指點舊跡迷積垣  
曩時傑閣無一存暮鴉古樹啼黃昏菜甲紅雨短籬寂  
月榭風湍遍瓦礫何期此物紛歲豨猶見兀然出敗壁  
博望舊封沒荒坵遺種猶傍東庭陬街頭砢礫百仞樓  
高年可與爾作儔魯靈光殿今在不古戰場文無時休  
華燈激灑銷春愁燕山客似昔年稠

得子橋十方禪院

勞勞馬上苦蒸灼長林招我雙乾雀手披蒙茸古佛祠  
龍象偃蹇照寂寞柏深亭午自屯雲老檜兀突猶巢鶴  
殘僧戴笠鋤藥欄終日不堪飽藜藿黃犬狺狺布穀啼  
山中花木開且落我聞此寺肇唐藩朱邸金碧紛相錯  
憶昔南陽全盛時平沙特地起樓閣珊瑚破碎王孫死  
功德無主寺落魄贏得石梁隋彩虹千年祖構穰西郭  
白頭父老能寄語天上麒麟真如昨我來廿載憶前遊  
景物不改只巖壑欲將此意問蒲團夜半鐘聲風前鐸

與見賓

紫金山上望中切鬱鬱園柳韜百舌渭北江南憶舊遊  
轉眼與君十年別陰后宅荒弔古藤伯華壘沒拭殘碣



跋扈俱是少年場布衣與君深相結有時拔劍吼蒼旻  
白水泚泚聲斷咽有時騎馬過長楸颼颼寒風十萬鐵  
促裝兩向昭王臺攬轡同看西山雪何期一朝天地醉  
鼎龍飛去烏號折麻衣飽載晉陽雲朝踏齊魯暮吳越  
璽書直入尉佗城西南再持中郎節餘生虎口鯨波中  
十七部史何處說今年贏得骸骨歸短髻垂霜馬蹄缺  
茱萸灘上鶴夢堅大禹山外鳴騶絕親知半隸泉下人  
對酒腹痛耳不熱低徊憶我梁孝廉藥裹關心憂惓惓  
君不見子雲成都門常閉窮年著書良不輟又不見王  
通教授河汾時生徒將相皆人傑此意我爾俱有之鄉  
里小兒真蠓蟻

叔度園喜晤元憲

壬辰八月六日

叔度園中花千種不合園中更有竹竹葉凌虛三百尺  
風雨瀟瀟映茅屋叔度時常坐其下手捉白蟬傾玉筍  
東隣老友八十翁霜髻鬢鬢對長夏白水鳴鳴遶郡東  
漢業銷沉雲臺空荒岡塚墓何累累回首西風感臥龍  
曩時遇君黃鶴樓西風颯颯紅蓼洲慇懃送子峴山頭  
寇盜如麻干戈稠我時黑髮君未老罇酒與君灑懷抱  
左看鸚鵡右鳳凰衰草離迷漢陽道奄忽別君已八年  
子真老矣我蒼然蹉跎兩事吼龍淵一犁兩足一蓑烟  
何不歸來種舊田

憶昔二首用少陵原題韻



憶昔聖人起朱方雲龍風虎簇鳳陽長騎浴鐵一百萬  
白晝魍魎不敢藏手提三尺真神物綸綍六經多紀綱  
鞭笞萬里不爲忙列聖饒嫺文武略玉燭金甌靖多方  
獬豸西來天地黯解甲開門不可當宮中呆愚夜未央  
控弦蹀躞來西羗妖狐一旦坐御床劍佩將將拜假王  
豈知東海來傳箭長驅鬼國掃夜郎

憶昔烈宗丕基日萬年天子奠家室日南太守上計吏  
琉球海舶貢庭實無復螟螣災異生如彼絲綸王言出  
揚州錦繡青州紉水陸繹絡弗相失執政宰割如觀火  
城無盜賊不須漆文子文孫三百年譬則寒谷聞吹律  
豈期運會逢百六坐看玄黃日流血預且網中真龍死

洪河果見潰蟻穴侯景已擒黃巢竄陵寢鬼哭向誰說  
只今鼎革已十年爾輩又有公侯秩不合時調應歸來  
况是夙嬰茂陵疾

卧龍岡

我遊龍岡二十年安得卧龍呼之起蕭蕭古柏幕井寒  
豐碑林立棲鴉語今日並轡陳使君回風獵獵霜華白  
西望成都唾三分一時吳魏無顏色投筭下馬醉將軍  
鬪罷隊裏酌琥珀是時草衰夕陽中對客遙指半壁月  
借問草廬大夢人長林颯颯驚落葉

東郊行

鄧城東接土山麓桃花李花多如簇三月群花半飄零



朝來微雨釀新綠道傍突兀結高墳云是將相千年屋  
憶昔廣柳出東門千車萬馬攔道哭雲臺結構漢中興  
前者馬武後賈復父老傳聞失其真况復山川多陵谷  
既無石馬與龜趺教人何處尋名目日落黃昏青麥阪  
白狼成隊趕角鹿

包叔度過訪

茶竈匡牀白茅屋陰雨瀟瀟叫布穀有客來自小長安  
錦韉黃泥紫金麓剪燭呼觴酒百壺十載離愁歌兼哭  
大小戰憶燕臺雲拋擲壯年空碌碌功名無復画麒麟  
中山毛穎已成禿將子跨蹇時往來紅藥欄邊看修竹

古柏行

南寺古柏學龍鱗鬚鬚黑鬣曳風輪肩背浮圖兩相望  
鏤幹猗猗互斷斷老態婆娑五十圍霜皮皴瘃如躩踞  
父老傳始開皇中風雨剝落無殘碑綠瀋遠帶嵩山雲  
烏鵲巢傍斗牛宿有人悞疑博望槎秦家大夫梁父麓  
胚胎我欲問金仙兒孫近亦稱長年人言兩雄不並立  
黛色橫亘各參天時危且莫作棟梁聲名直欲震扶桑

賀允升誕日歌

五月十九榴花紅漢南漢北久掛弓高樹夜鳴鏤鳳凰  
麥秋雨後呼郭公廣文先生是日壽有客爭來酌醇酎  
淮南書自枕中傳黃石略從圯上授先生莫惜醉如泥  
半生蝌蚪照青藜膝下既有仲謀子案頭日對伯鸞妻



先生今年四十九我多一歲稱老友肉髀自憐劉豫州  
琵琶空對潯陽口略記廿年大梁城鐵騎十萬靜無聲  
與君大小七十戰長河欲倒嵩山平是時汝我方年少  
鳴鞭躍馬汴京道轉瞬雙丸織如梭英華已去兩髯皤  
與君不飲將奈何

霜髯歌

申公霜髯天下奇橫行海內號于思星眸烜烜翻紫電  
黃石白猿爭追隨憶昔徒步起淮海左拉劇孟右朱亥  
六博時爲繞牀呼蕩盡千金產何在雕弓羽箭白鼻騮  
揮斥惡少等泥沙天下何曾有劉備山東止有魯朱家  
轉戰青徐二千里飛騎喝斷揚流水勒名遠出雞鹿塞

揚旌再過甘陳壘自從束髮誓擒王刀痕箭斑身滿創  
隔江無復拐子馬偏裨解用梨花槍歸來戰袍猶帶血  
長江以北十萬鐵廣陵不守督師死武昌精甲如捲雪  
聖人義師出東方韓仇已報張子房况看率土皆來王  
普天大酺赦首陽林慮鐵工非長計宜城酒保難終避  
褐衣襤褸來穰州不妨爲氓聖人世把臂曾於刺史宅  
狂叫爲我呼大白割然一聲石門開歛然珊瑚十二尺  
祭遵老去周郎死將軍雅歌今已矣誰知二千餘年後  
乃有髯公發皓齒君家先世申公受詩浮丘伯齊人轅  
固燕人韓嬰爲之客三家身入儒林傳一時歐陽夏侯  
肩相拍天官風角地理圖髯公以身爲之厨世兒多碌



碌髯公白其目樊英能喫成都火方朔舊遺細君肉乃  
知青驪日馳七百里甘離人世辭親族何如隱跡江湖  
稱寓公醉吟田舍春酒熟噫吁嘻望門投止彼何人郡  
邑殘破累交親雖有高名安足珍

晤曹變文追憶往事

西鄂山下綠楊村牛社濁酒滿瓦盆近來齒脚漸衰朽  
車馬故人誰相存有客來自涪陽里叱咤風雲無與比  
鉅鹿戰罷始歸來箭花滿眼血在髀奚囊小技欲全焚  
彎弓猶能三百斤漢室不能容賈誼唐人何解用劉蕡  
我有鷓鴣新霜十二尺出匣光芝走太白何不與君南  
定百粵西縛羗羞共纍纍若若之巾幗不則林慮尋夏

馥大壺訪樊英日坐狒狒與猩猩燒藥空山不入城吁  
嗟乎曹君記得少年騎馬春陵道唾手雲臺仲華諸公  
不爲早不謂蹉跌竟如斯今日封侯已自遲莫放長林  
酒一卮



讀史亭詩集卷七

南陽彭而述禹峰甫

七言古詩二

豐樂鎮望銅雀臺和壁間韻

以下常寧刻本

魏家臺榭凌雲起岌業舊對漳河水經營結構四十年  
玉堦金屋貯羅綺南陽戰罷赤壁歸又餘張魯在西鄙  
况復涿郡大耳兒壯心流涕肉生髀河北袁氏冀州雄  
黎陽烏桓相繼圯吳蜀未定中原危許昌還向臨漳徙  
築臺欲併太行高兩都並建良有以當年誰著九錫文  
荀彧空向壽春死漢家自得孝廉報英雄無意甄官璽  
低眉忍作大將軍此情堪對只女史唾手漢鹿不為難



寧王不帝甘沒齒百戰鬚袍精力衰雖有將相不如婢  
他日好爲後人言丞相心事只如此紛紛豎儒漫低昂  
王莽桓溫相詆毀吁嗟乎試問宮中賣履人眼底孫劉  
安足擬

鄴城行 有引

爲鄴城詩多矣顧獨罵曹氏不及石虎高歡諸  
人將以爲不足責耶爲此作詩並及之

秋日秋風鄴城道黃沙紫陌飛白草曹家父子何清狂  
沿河高臺鑿空造當年金碧玉玲瓏歌喉舞袖蘭膏紅  
日出猶醉珊瑚枕佳人臥起鸞影重岌嶷飛觀今已矣  
嬋娟化盡走豺豕壯王淫后司馬隳河東羯兒來漳水

誰家瓊室復雕牆南跨建業西咸陽勞勞土木無窮已  
大行恒岳兩相望北魏東齊纔瞬息鄴城龍戰互黃色  
宰相何人供御囚漳河有魚食不得五代流血滿城渠  
牧兒斷壘抬頭顱瓦橋南北多爭戰山前山後此通衢  
暮雲捲山日欲入漳河河底劍花澁僵屍直豎安陽橋  
天陰烏烏聞鬼泣

哭劉狀元湛六公死難暨夫人側室

有明三百不及曆西山寇盜淬鋒鏑流血漂鹵大河南  
拉朽名城氣無敵旣屠太原入紫荆驍騎公然犯帝闕  
坤維破裂天柱崩乃在甲申之三月宮庭禁地走獬豸  
煤山絕頂飛金鐵甲戌狀元劉雍丘平生忠孝多大節



攀髯痛哭竟無從，瞥眼穹蒼空咄咄。登堂肅肅整衣冠，便與妻孥為永訣。成仁取義自書紳，仰止文山有遺轍。揮手笑墜文杏梁，庶幾無慚跨往哲。公自書成仁取義孔子孟所言文山踐之予曷不然云有妻有妾兩繼之，黃泉不忍相拋撇。臣死君兮妻死夫，忠魂拉手甘同穴。黃河倒捲中嶽摧，星歸箕尾光難滅。千年竹簡青猶汗，夜雨荒燐碧成血。彰義門外土一杯，忠臣忠婦邦之傑。旅襯寂歷荒丘寒，高粱澌澌流嗚咽。泉下骨仍戀舊君，咫尺山陵四霜雪。孝廉兒盡念遺骸，梁苑松楸歸切切。嗚呼覩顏從賊彼，何人却把綱常忍。自絕氈狗亦為故主報，齊和還斷隱侯舌。負心甘笑古，人思遺臭從今天。壤別公豈心，邀後世名讀書識得是。

字徹此事在公不為難，所難尤在公妻妾。

邯鄲行有引

乙未仲秋騎馬邯鄲呼女郎，涂佐觴詢及知為江右名族。以金變流徙如燕，為兵子婦後兵子陣沒再傳，乃至此噫傷已然。頃年來吳楚閩粵如此類，亦復不少。予為挑燈記其事，作邯鄲行噫獨悲一女子乎哉。

八月廿三邯鄲城秋風黃沙馬頭生，邯鄲有女南城裏。菡萏欲吐朝霞明，依違向我欲有言。微見衣褶舊淚痕，郎當似屬不得意。落葉滿庭坐黃昏，為問女郎年幾許。爺孃更是某鄉土，如何流轉值此中。更向邯鄲學歌舞。



幾番欲說且逡巡羞將姓字向人聞古來生女良足悲  
未詳本貫淚先垂吳頭楚尾是妾鄉南昌故郡傅家郎  
父母生我年十六等身剛與阿嫂長阿翁遠作嶺南客  
阿母深閨頭半白流蘇帳裏繡鴛凰標梅未賦奠雁闕  
將軍姓金名聲桓激變全由獬豸冠公然跋扈生割據  
欲將洪都抗長安洪都城內百萬家城頭半載聞吹笳  
猶記北軍破城日旌陽觀裏屍如麻惟有紅顏多薄命  
縱橫紫駝踏曉鏡曳紅拖綠無哭聲鼓角振入廬山磬  
將軍掠我入羶屋手執乳酪傾一斛雙槳直入琵琶洲  
聞得長官喜殺戮嬌身隨營渡秦淮戈船又向廣陵開  
明眸暗濕青溜道蛾眉浪捲天津來燕市十月大風雪

賤妾馬上聲哽咽將軍言語類烏孫碧眼禿衿刀磨血  
對伊不敢念江鄉毳幕魂猶落豫章穿針學刺平壤靴  
織手日作高麗裳雲中一旦干戈起債帥乃是姜家子  
河東澤潞黑雲橫上谷漁陽築戰壘長官奉命又出師  
手挽弧矢竟不歸阿兄賣妾狹斜巷倚門忍作青樓姬  
去冬轉徙邯鄲道香閣日把雙蛾掃群娣勸飾梅花粧  
涼州口授是阿媪南商北賈織如梭三河更是老兵多  
翡翠簾中春不住珊瑚枕畔淚成波葬愁埋憂無處所  
於邑此情共誰語卧榻盡是行路人平明上馬何足數  
謁來今日遇使君胡琴欲奏不敢聞倘得竊附紅拂去  
人間省得蘇小墳此言未已潸潸泣華袿珠襦一時濕



醞醕滿貯金叵羅氣結魂消不能執君不見馮家小憐  
下鄴臺玉顏委地蘭蕙摧又不見洛陽草迷銅駝日羊  
后忽從趙曜來我聞玉河今兩岼桃花李花結成片不  
是越女便吳娃銷沉粉黛又何限不聞胭脂來塞北駒  
駝盡是傾城色灰飛夢逐向南颺青塚草猶思故國即  
如邯鄲一片地千年香粉雜烟霧寶瑟跼履醉鼓臺金  
鐙華燭歌玉樹香魂鬼哭石麒麟安知不是流落人

白漪公塘產並頭蓮歌

霜華月練白公宅座中蘭燈燕趙客芸窓的的雙紅渠  
香風瀲灩動魂魄枯枝婀娜猶含情連理枝上鴛鴦鳴  
武安郭外秋塘裏趙家姊妹芙蓉城朱苞紫莖層波綠

帶月嬈娟削群玉金釵翠翹簇新粧前者如壓後者蹴  
楚腰吳娃同一宮臨春綺閣滿花鼓珠迸魚貫相首尾  
鶉鷄宿起狎獵風我聞西嶽有峰高挿天建業江上九  
華前層層肺腑結齒苔一跗一萼勢宛然何如白家司  
馬門前浦煙霧斜橫成三五銀甕芝房不足奇河朔變  
作西方土白公金屋絕代人織歌霏微玳瑁塵攜手香  
國氣氤氳珊瑚枕畔石榴裙

朱敬身南歸歌

有引

甲申春予同孟津少保王公自任南下會稽朱  
五谿是爲敬身之父與偕抵東昌今太史藉茅  
及乃兄太公與敬身躍馬西來劍合邸舍中間



患難險阻靡不共亂後南北信杳且十四年乙  
米冬予客燕敬身亦來再晤太史館爲賦此詩  
朱郎昔年二十時同我跨馬走亂離甯策夜喧臨淄道  
瓜步山頭多戰旗桃花夜半渡江水長鯨簸浪舟欲圯  
拔劍斬蛟彼何人君家是父與是子南遊繫馬太湖曲  
又過六橋訪天竺虎丘寺裏杜鵑紅飛來峰下楊梅熟  
是時國變聞鼎湖江左傳有管夷吾一時草昧誇天造  
長江南北失雄圖亡命尚見庾丞相死節不聞卞大夫  
倉卒乘輿向北來姑蘇臨安一齊開我遂食魚過武昌  
君亦採藥入天台歲月如駛十四周夢裏由拳想舊遊  
何期雨雪燕山道馬上相逢對蘆溝頭顱蒼黃半不識

各道前事淚沾臆不堪爾我同作客爾髯如戟我頭白  
丈夫垂老尚風塵此義母乃羞巾幗歸謂爾父窮措大  
且向戢山深處卧或入宛委探藏書侏儒一飽真可唾

與顧介石登燕臺歌

燕臺翠嶺漁陽北蜿蜒西拖恒山色雲霄上接天爲黨  
平沙漠漠桑乾黑是時顧子雲間來京洛故人誰在哉  
我適匹馬南陽至相逢把臂共登臺昭王旣去郭隗不  
回千年老狸夜哭龍媒相與灑酒共徘徊燕雪如掌冷  
如鐵薄暮酒酣耳政熱眼中不見十七年此身未老猶  
存舌荒原狐兔嘯落霞痛飲且復數暮鴉憶我西南走  
萬里上有藤橋之路下有牂牁之水道逢大敵喪偏師



身經百戰濱九死歸來卧疴舊柴荆四海同遊隔弟兄  
里門自鎖翟廷尉當朝誰識張然明天涯聚散復今日  
連袂相歌復相泣腰裏壯欲鳴芙蓉光未澁西山積翠  
鐘聲出羽林健兒吹感策君不見東南兵氣亂星躔海  
上旌旗欲絳天吳趨越絕時見艤艫船又不見夜郎昆  
明天外懸雍閩智高相鈎連流官蠻長椎髻徭女未息  
煙吁嗟乎顧君丈夫既不長舅勒石入瀚海即當伏波  
題柱過日南充國成功歲已暮伯華封侯年獨少安能  
逐逐羸馬縈陌塵龍鍾老死長安道

吳六益歌

長安冬日苦風雪腮毛鬣鬣如蝟結紫貂白狼駟僧兒

紛紛車馬走列缺猩脣麟脯五侯箝遶床呼盧鬪金穴  
蘭膏白苧醉瓊瑜一時造化歸炎熱吳郎三十餘手持  
一卷書襖褐體不完皴痕無完膚沈家學士雅愛才殷  
勤手進中山醅吳郎狂呼鯨吞盡一石腰間蒼龍白日  
吼霹靂男兒生負抑塞磊落之壯志皇天不易棄七尺  
酒酣擊缶歌烏烏手提如意碎珊瑚胸蟠象緯二十八  
著述如山窮筆扎左思真後輩張華坐下風孟津已葬  
北邙中大梁無復李空同茫茫海內誰其宗撐拄頷頷  
笑禹峰騎驢忽遇銅駝陌全如舊識非生客赤憎王通  
多上書制科安能辱李白典鷓鴣沽美酒相與把酒共  
登昭王臺歎華表之無存見馬骨之已朽荆卿樂毅復



何有噫吁戲機雲陸抗之子孫聯袂入洛媿青門雖有  
文章安足論彭澤長沙後輕棄紫桑柳縱然折腰賦歸  
來八十日曾綰印綬吳郎詞賦動京師草稿不令君相  
知雲臺竟不換漁蓑傷心父死之謂何

清涼寺作

羅庄古寺臨江干老柏突兀石巒岬內有篠蕩竹十千  
因風嫋嫋蓮座前白菘紅藥互爭妍社燕三月飛翩躚  
群衲貝葉豈徒然碑文剝落元宋年咸陽火烈連甘泉  
海外金闕自神仙征衫驅馬走麥田沙彌手執藤花箋  
鍾聲數杵歇茶烟淮海將軍帶酒眠雲谿綠靄榆莢錢  
好將墨寶經堂懸黑灰或劫此物傳

將赴湖南宛城留別桑笈雲潘伯

南陽城外芳草生南陽城內班馬鳴酌酒別使君賤子  
賦南征南去瀟湘一萬里粘天陷日洞庭水怪鳥紛飛  
隼兪狂槃瓠氣壓三苗壘祝融峰下萬竈烟丞相駐師  
今五年使君饒具安邊略三輔曾將豺狼縛我今匹馬  
走長沙殷勤贈我金刀錯我謂使君南陽帝子鄉東都  
大業見蕭玉寇鄧已去雲臺圯瑯琊人起卧龍岡先朝  
阨運當百六中原川谷厭人肉青犢銅馬滿西鄂千村  
萬落聞鬼哭使君新捧璽書來驄騎遙矚紫山隈脯糗  
車軫生饑殍寒谷陽春今始回桃花落盡黃梅雨子來  
宛汝我適楚中原相望各欵寄饒吹聲中閃旗鼓臨岐



惜分手對酒不成醺據鞍且莫悵離群書生解作上將軍

曹翳子行 有引

李皓白齊人與予方外交十年其人多道術雜亂以來江阻南北匆匆不得消息丙申七月復作朱陵遊遇襄陽之曹翳公採藥侶也走筆贈此幸執此以報皓白且寄訊山靈平安也

衡陽翳子身姓曹丰骨寒削髻二毛朱陵白露響雲瑛道人手執紫玉瓢十年前有方外交依稀五元皇帝之裔苗其人曰皓白云是山東客燒藥九僊觀半畝躡過宅曩年我向祝融遊時值落葉洞庭秋聯袂拍肩赤腳

直上岫嶂之上頭耳邊但聞白虎紫象笙歌竽籟之啾啾今別已六年道人不可見我復至衡陽寥天初試雁歛遇翳踏芒鞋爾何來九仙臺爲云南天門外之石船已於前年之六月霹靂列缺夜半開濟上羽人未便歸山中日食蒼耳肥丹竈五鶴往來飛子與道人掇取作氅衣我欲身跨白驢重經此再看半壁雲霄足練水

附公於衡岳南天門外書偈訊石船一谷風雷作

破壁飛去其事甚奇道士李皓白載入衡山志湖湘父老至今能言之以爲昌黎開雲不是過也因用昌黎謁衡嶽原韻敬誌二首男始搏

開雲曾說昌黎公天人相應一氣中文明筆配朱鳥



位嶽靈不得專其雄昔稱幽絕阻中原清淑之氣于  
焉窮蒙茸探碑到岫嶺猿猱綠樹啼酸風屏翳果見  
收雲霧自信正直能感通先公繼起南陽後石船白  
日飛半空當年湖湘繫馬日杖藜三次來祝融秉鞭  
止在苗獠窟乘槎不夢蓬萊宮荀輿相傍朱陵洞蒼  
苔屢破丹崖紅維嶽降神信斯語和平神聽鑒厥衷  
樓船往定九真亂賊壘深入瘁鞠躬昆明戰艦闢蠶  
鼓潮州鱷浪將無同譬之舸萬斛阻陸地舟楫霖  
雨徒以荒山終不若虛舟破雷電泯然常存造化功  
名山著作藏龍從鑿闢混沌開瞳矐開雲飛石傳兩  
公亦如祝融之南紫蓋東

公爲南嶽主人公三至朱陵洞天中七十二峰題詩  
遍筆與嶽勢爭豪雄南天門外飛來峰太古以來傳  
無窮望之可見不可即三神山遠隔閭風舳艫一一  
具維楫徑谿絕而風雲通公時笑語應坦化積氣萬  
象還虛空數日居人瞻嶽麓晴雲無翳天融融何來  
風雨吼魚龍山腰忽擁馮夷宮鐵瓦迸散浪頭白嶽廟  
殿用綠樹半碎電脚紅船之去也符公語信惟神靈啟  
其衷韓公有言識神意清明志氣果在躬不然何以  
二千載靈貺彷彿開雲同我聞天人感應有至理神  
物變幻渺難測其終此間已履波濤險何處更收舟  
楫功巨槎貫月事荒昧斗牛浮空傳朦朧安得乘槎



一訊銀漢支機石樓船駕楫扶桑東

長沙走筆贈夏人淑

人淑來湘之隈天久旱歛而雷花石戍邊黃狐立銅官  
渚內老蛟泣烟舟夏口別茫茫不見於今六十日郤凌  
玉住武昌來書某日下建康建康陵上六朝松鳳臺屹  
立華表東中有大士臥白雲隴西元是舊將軍我欲作  
書寄此君將子來時可曾聞子向凌玉稱弟子大抵雄  
文相如似凌玉拓落不得意子尤輕世而肆志君不見  
長沙城外吳王墳高處六十有八丈海風吹入赤沙湖  
峻嶒直與祝融抗又不見蓬荆深沒馬殷宮夜來烏烏  
走鬼雄登熊湘望百粵我欲驅兵百萬過日南伏波銅

柱只等閑

酉夏客潭乘馬忽死爲招以歌

湖湘十載作戰場元老秉鉞靖遐方少年天子勤南  
顧羽林健兒盡上襄北馬不飲瀟湘水十馬生來九馬  
死駿骨高撐吳王臺前日驂騮今蒿萊天廐房星若爲  
空馬祖不應雙耳聾去年賤子來幽并選盡兩廣無下  
乘黃金不惜買莖豆伏櫪但見蘭筋瘦次第化作嶽麓  
塵夜半時聞蛟龍鬪昨斃一馬更無敵長途用盡壯時  
力艱危幾出虎狼穴十年患難共南國爲馬誓曰鳴鞭  
直入昆明池叱咤風雲生權奇朝秣葱嶺夕炎洲麒麟  
閣在好爲之如何棄我忽中道振鬣一旦厭水草辰角



昏昏渥洼竭坐歎齧邾成沒滅不信長沙卑濕地三湘  
日流汗馬血

郴州拜義帝塚

有引

予讀漢史至項王弒義帝竊疑之然漢竟以是  
得天下借口實何歟毋亦楚分王諸侯漢亦在  
王中故使黥徒殺之推過重瞳觀後來布歸漢  
其一證也且項王爲人彊直太公及邦隋其掌  
中數矣皆不殺乃已立而已殺之是狐埋之而  
狐搨之也其又一證也總是漢見楚王彭城睢  
水一戰東歸念灰乃弒帝一事爲誅楚名并三  
老之說亦借之以行其僞者也若小說所傳英

布後身節推九江爲義帝所攝其口授當被弒  
之由是漢非楚則反荒唐附會不足據已順治  
戊戌十一月以行部入郴得拜義帝塚爲作歌  
弔之

秦人哮虎啞山東席捲八荒指顧中藍田戰後丹陽劔  
天不授楚社稷空楚王入關無歸日楚人哀之如親戚  
世爲楚將項梁死江東忽起重瞳子身倡大義立王孫  
手拉亭長拜至尊京索滎陽戰雲轟劉家太公俎上肉  
叱咤終屬婦人仁吾翁若翁不忍戮一時雌雄判興亡  
老死褒中漢中王乃封義帝楚南疆况是熊繹舊帝鄉  
弒帝江中事可疑驪山之徒供指揮已爲隨何進身地



此意唯有三老知因之假名為誅楚縞素三軍義旗舉  
若果真為君父讐豈忘他日啜羹語吁嗟乎淮陰餓夫  
跨下兒感楚王漢亦何癡彭城纔傳魯公首秦關已裂  
假王尸世間是非論成敗漢史滅沒幾千載鴻門猶不  
殺敵國何事故主苦相害柳陽江上一孤墳銀杏婆娑  
葉紛紛我來弔古增惆悵焚詩地下一問君君不見祖  
龍鮑魚錮三泉牧兒穴底生紫烟長陵坏土蕩丘墟漢  
家陵寢多玉魚秦歟漢歟今已矣帝墓猶在柳山裏

俠士行贈楊海宇

有引

君諱洪弘農人身精悍眉宇深黝聲如巨鐘豪  
宕性成慷慨負燕趙之氣幼從異人學書不成

進而學劍人有不平事投分一言輒身許之蘇  
張復生不能間也視金如土人有操是術進者  
揮而去之予年四十得遇此君武昌江上今予  
年五十四計君年亦且四十即有俠安足施客  
曰如禹峰言何以處田光侯嬴輩也海宇方壯  
昔荆軻入秦事不成為小兒所壞必如海宇前  
數年吾懼其敗也今海宇若干年矣俠成矣禹  
峰曰是也會已亥四月海宇來衡慰我官邸將  
歸鄂為作是歌送之

憶簪作客黃鶴樓正值干戈鼎沸秋前有毒蛇後猛虎  
江上窺人不出戶鳴臯義士來司州腰下錦囊貯吳鉤



幺膺餘子敢蹠足夜來醉酒看蒯緱十年五度常遊楚  
此公流寓漢江渚扁舟南來舊遊散如君無次不相見  
今年訪我來朱陵睂宇氣概何峻嶒相見相歌還相泣  
老驥伏櫪長太息男兒書劍兩無成局促轅下困鯁生  
或從易水訪荆卿或向大梁謁公子祖龍只作俎上肉  
四十斤椎安足齒三杯叵羅罵不平灌夫斂手魏其驚  
君不見張儉亡命何曾死笑彼望門輒投止又不見廣  
柳車中季布出河東太守無乃是人世難逢司馬遷游  
俠作傳豈徒然朝救李陵夕蠶室可憐竟無贖身錢楊  
公楊公世兒齟齬何須數緩急人之所時有陰呂飴甥  
公孫杵臼或歸晉君或存趙後我昔強壯少年時喜同

烈士談心期一言刎頸何足道酬恩應報軀不惜精力  
銷亡今老矣談兵說劍猶自喜我有寶刀一贈君結爲  
白虹氣凌雲陳湯介子彼何人一劍獨成萬里勳滇黔  
以下兵甲休閩海鯨鯢尚未收將子珍重取封侯勿但  
輕摘元衡頭

巳亥初夏武陵題游漢叟像

蒯履茄衫帶鋒芒山門早下入戰場左右頻顧意徬徨  
置身忽在牛斗傍神龍三尺飛扶桑群雄汎掃如粃糠  
駒駘十萬定南荒六詔牂牁一時降指揮八極無陸梁  
天竺活佛來西方倒騎獅子謁玉皇廣額屠兒黎花槍  
朝發廣陵暮瀟湘何不仗劍來從王麒麟閣上生輝光



大營歌 有引

祁陽北五十里山之北趾素名大營初未審名  
所自起會已亥六月有蒐軍實之行夜宿郵舍  
見二碑矗然上鐫宋岳少保題壁遺墨云於紹  
興二年七月七日蕩寇至此中有復三關迎二  
帝等語急呼同侶走筆記以長歌公英烈忠憤  
千古如生廟貌血食久而聿新始晤大營所自  
書句慷慨永屹南荒諒哉

楚南雄關扼百粵草樹蒙茸迷短碣誰將佛寺作官亭  
殺氣氤氳泉聲咽有客指我榻邊石巔巔盤拏高三尺  
剔燈捫苔快讀之奇鬼陰森搏魂魄夜半忽驚少保來

萬龜貔貅細柳開手磨陰糜驅毛穎突兀龍蛇生塵埃  
我為一字一叫絕唾手三關犁庭穴湖湘兩廣一時平  
將軍視之如蠛蠓憶昔宋家南渡時康王承乏纘丕基  
六龍北去長不返鐵甲中原鼓角悲從此徽欽無消息  
蟻聚蜂屯多盜賊天心已厭夾馬營壘書不向長江北  
將軍崛起河朔間三百斤弓左右彎長驅直搗朱仙鎮  
匹馬奪回太行山從王誓死願不違九哥原不念慈闈  
白溝移向江淮去錢塘何須二帝歸將軍血鬪徒為爾  
湖南江北多戰壘掃蕩蠻蜚只等閒曹成已縛楊么死  
幾回問天天茫茫將軍無福死戰場千年罪案莫須有  
反將逗撓為藉口黃龍未醉獄吏尊閻闔誰為呼天門



四壁秋聲響萬壑祝融山捲祁陽郭風雨旌旗常不散  
紹興七月今如昨

再遊黃鶴樓

以下滇黔集

武昌城俯漢江流萬里烟波與天浮西門截業起孤峰  
憑空祖搆黃鶴樓樓跨江邊不知年雲夢洞庭相鈎連  
馮夷鼓浪陽侯叫噴薄巴蜀帶秦川左攜鳳凰右鸚鵡  
江漢蜿蜒夾雙股楚王宮殿沒荒苔章華南樓作黃土  
憶昔阿瞞下荊州唾手江東孫仲謀何來舒州一年少  
頃刻敗走華容道湧月臺空字剝落相傳曹公手自作  
烏林本是舊戰場此事毋迺真荒唐又如典午南渡中  
原血劉石紛爭九州裂當時若非陶八州江東安得成

王業長江天塹非偶然六代雄圖恃荆襄何怪當年問  
周鼎氣吞吳越抑何強低徊莫思勝國時蟒衣玉帶照  
江湄肘間金印大如斗將軍夜半潯陽走一炬長干烈  
火紅夏口武昌復何有開國元年我來遊白骨陰雨聲  
啾啾黃鶴時已乘雲去畫角琅璫不知處今來又復十  
七年金碧嵌空貯飛仙桃花紅雨亂翠微江山無恙酒  
一卮李白騎鯨去不來崔灑題詩安在哉惟有仙棗盤  
屈青銅根夜半時聞鐵笛上月臺把酒問同輩往事付  
劫灰漢陽樹色半斜暉痛飲爛熳不須歸

湘鄉懷褚僕射

隋鹿競走唐龍躍太原忽起霸王略汾陽文水百里間



荆州都督武士護爰產妖狐傾唐宗紅顏天子竄宮中  
豈知昭儀即禍水燕尾龍鱗溷迺公是時寵幸壓群婢  
用立厥后維武氏敬宗義府彼何人英國胡爲亦爾爾  
惟公尚書司喉舌臣不奉詔心如鐵正色危論死不懼  
御衣難浣侍中血屏後媚娘恣震怒此獠斧鉞何足汗  
正直古來禦魍魎爲君遂起潭州路潭州去國三千里  
左者蠻窟右苗壘不少忠義作比鄰三閭洛陽常居此  
後來宸妃亂天下國老吞聲侍從啞王孫肉俎海內殘  
幾使晉陽屋其社惟公灼見稱先知遷流應過楚江湄  
豐碑不泐潭督字湘水常流洗墨池

靖州戰場歌

靖州城裹萬山中四面斗絕削青銅西南險扼滇黔路  
控引百粵特湘東蒼崖詰曲徭苗窟密菁楂柯蟻蝨蔽  
順治戊子時仲夏我來道經茲城下時方秉鉞過牂牁  
臂挽雕弧身躍馬是夜霹靂列缺紅銀河倒注長江瀉  
主人堅卧公解中銅鑊漏箭響玲瓏密聞邏卒相偶語  
降將反側陳友龍蜂屯蟻聚成三匝青犢鏃脛何縱橫  
維時主人拔劍起重鎧竟據西門壘喧虺砲火走雷霆  
流矢直射女墻裏懸梯蒙盾相肉薄突騎奔騰山欲圯  
頃刻孤城勢且隍元戎揮戈陷重圍帳下將軍奪槊舞  
先登叱咤陣雲飛謂中軍張自強人馬辟易輒數里僵尸如麻南  
山陞驚沙斷鏃寶刀折雄溪水漲桃花血關外武襄三



鼓戰江上康樂八公捷何須更勤武岡銘從今迅掃飛  
山穴旋軍且復去潭州拂衣我尋歸菟裘自此湖南重  
割據邵陵以西干戈稠 今皇御極之戊戌輿圖始將  
舊地收萬里滇黔成破竹六詔夜郎一時復異姓真王  
鎮南中剖符通璽設司牧庚子我捧藩使檄再向靖州  
城內宿登臨恰是舊戰場低回憶昔淚沾裳傷亡將士  
猶堪念軍諮祭酒何渺茫 書記謂陶生  
副將賀進才感茲歲月成飛電  
彈指何堪十四霜人生封侯貴及壯老去蹉跎鬢已蒼  
吁嗟乎登臨恰是舊戰場

靖州戰場歌

再

憶昔順治戊子年持節夜郎稱使者手挽神物三尺寒

破賊靖州城之下組練霜飛鐵馬雄黎平天柱草木風  
桃花繡澁寶刀血百萬鯨鯢空其穴自笑功高不受賞  
歸來遂作五湖長此事距今十三秋飛揚跋扈成白頭  
無端又作昆明遊風雨瀟瀟入靖州靖州城外舊戰壘  
白骨如山京觀在婆娑長劍感年華一官此日復天涯  
英雄往日思廣武白馬將軍真貔虎烈士壯心良不已  
投鞭欲斷金沙水博取侯印大如斗重來痛飲靖州酒

沅州太守歌

沅州太守年二十朗朗玉山照人立胸藏異書三萬卷  
匣底芙蓉風雨泣前年親捧皇帝書剖符直下南粵國  
今年仗節入沅州五馬驂騮黃金勒我來驅車過昆明



榴花爛熳沅州城欣逢使君呼大白滿酌叵羅兼晨夕  
把臂問使君因子念匡嶽匡嶽迺是吾家物東南青峰  
虧雲日下有萬里之長江五老香鑪風蕭瑟何時與子  
策杖共踏廬山第一峰酌酒問天公如此砢磳挺起八  
萬丈矯首直入斗牛宮崑崙西來蓬島東何遂不與五  
嶽並稱中國雄

贈房遊擊光先

沅州

房公偉岍天下奇盧龍塞上產英姿十歲跨馬落皂鵬  
翻飛上下捷於猱恥學書生記姓名一匣秋水鷗鷺成  
霜華烜烜走上國面受方略入金城姑臧上邽連沙磧  
青兕豪豬左右射元昊沒滅失游魂居胥瀚海白草昏

千金寶裝珊瑚鞭安西都護勒燕然我聞公入玉關時  
皓首父老雙泪垂開邊不少馮奉世遠略擬同皇甫規  
天子南顧念蠻方將軍爲我定遐荒而今滇黔新開闢  
洞蠻餘孽尚充斥我聞湖南袁開府甲兵藏胸手霹靂  
前矛後勁恃中權房公膽略萬人先吁嗟子旣稱膽略  
萬人先天子何不喚取親築壇

綏寧歌

萬山砢磳草樹綠綏寧城郭傍山谷西征鐵騎如雲屯  
飛輓糗芻日轉轂令君饒具揮霍才手泝霹靂心春臺  
簿書之暇左右射撫字心勞靡晝夜憶我前年客長沙  
與君共醉馬侯家馬侯吳鈞三尺水天下人呼馬鷓子



威名曾著光祿城上谷雲中無全壘將軍雅慕令君名  
桓公墓底羅邠生設策直下牂牁渡前軍今已過昆明  
令君左手舉螯弧右手連發金僕姑笑謂老兵不足爲  
美錦學製楚疆垂彈丸黑子多棘把銅符握手瘡痍起  
楓門樟嶺鼓蟻蝨相傳迺是槃瓠宅猺姬攜鼓舞蹲蹲  
公堂野謳獻瓦盆我來持節過滇池羊腸牛角走屨屣  
得公醉我武岡酒時維四月梅雨後丈夫及壯當封侯  
開疆須到西海頭樓蘭鄯善復何有緬甸交趾爲君取  
行矣勉之好加餐我欲攜君上雲南

關嶺歌

關嶺在何許迺在普定之西南萬山砢砢嶺岬最高處

猿猱號啼鷓鴣愁倒退長蛇死猛虎哀牢緬甸接夜郎  
羅鬼花苗自君王隔斷中華幾萬里天產雲漢作壁壘  
憶昔雍閩亂南中虎豹噉關蟻蝨鼓漢家丞相前後出  
師表迺遣河東將種關索爲前導將軍手握金僕姑陷  
陣先登萬馬趨嶺上一時失枝梧鐵鎖金沙重開昆明  
圖丞相因成擒縱烈益州振起富強業至今蜀漢歷千  
年山腰猶存馬跑泉飛流濺沫萬頃碧古樹陰森響霹  
靂穹然山椒半畝宮野老俎豆歲時同孫曹霸業久漸  
滅西川王氣亦銷歇惟有此嶺長存天地間將軍姓字  
日月懸

滇中歌



我聞且蘭以西哀牢國盤羊烏橐古重譯蒼牛叩頭馬  
搏頰鹿崩狼騰少人迹劉徹皇帝事開關麋泠桑關來  
獻馘庖降左擔成通塗漏江盤町歸疆場牂牁既定益  
州開金沙朱提互崔巍天馬胎銅一時至光珠琥珀滾  
滾來相去中原一萬里浪泊林邑連交趾范王城上好  
樓閣丹碧照耀日南水晉宋以還多叛服金標鐵柱變  
陵谷曾聞征南敗九真未見元嘉斬區粟只今天子  
還孝武陳師直下永昌府計功不少龍編侯滕家都護  
何足數葉榆江濶蜻蛉寒楊邁金登瑪瑙盤剖符應須  
到越裳文淵近巴鑿南塘

庚子秋昆明池上同楊筠伯談及太原舊事爲作

太原歌事在癸未距今十八年矣

管涔山接飛狐塞馬邑南來剪桐國腰章手板憶昔年  
珊瑚寶玦黃金勒種花會遍沮洳場敢謂彈琴不下堂  
貞觀社稷餘霜草開皇宮殿下夕陽爾時寇盜正充斥  
故鄉南望黃流隔河伯簋入梁王臺洛陽城內戰骨白  
太原風物遊冶兒玉簫金管擅歌吹中有一人最艷者  
手搗琵琶低雙眉流蘇帳裏琥珀酒藐姑山色汾河柳  
人間別有溫柔鄉玉環飛燕彼何有挹蘭把蕙無終極  
快意當前莫虛擲大藥曾不駐紅顏千金難換此一夕  
潼關一夜羽書催殺函風雨二陵來歛見鐵騎迷上黨  
銅鞮絳闕一時開樂極悲來繁華歇風風雨雨鷓鷯別



九仙臺畔銷魂時二月楊花腸斷絕馬首東征走萬山  
重圍幾陷虎豹關大行阻絕羊腸路雁門不見有書還  
此後滄桑幾歲月墨綬丁年今華髮徒勞舊夢憶并州  
金徽難續菱花缺自憐玉關人空老無端更出牂牁道  
昆明池水三百頃西南萬里傷懷抱東川使者揚筠伯  
自言舊作晉陽客越石樓邊每對酒戎褶新粧舞袖窄  
猶記慇懃問姓名雙眸珠下淚如傾可憐明月凌井驛  
石門關上度曲聲萬事灰飛甲申中長樂秋院鎖梧桐  
不堪回首少年遊晉陽耆舊鬼啾啾

黎平行

庚子

甲申三月燕京變賊騎突入明光殿未央鐘杳斷嵩呼

鼎湖龍去如飛電薄海不聞勤王師大厦曾無一木支  
四鎮甘爲守戶犬百官盡作澤中麋黎平秉鉞在江漢  
精忠直與秋霜貫灑血躍馬誓蒸徒前編後伍出勝算  
亡何良玉尸居餘部下健兒半賊渠三軍何自虎變鼠  
終日戀食武昌魚五馬浮江成南渡建業忽啟行在路  
玉帛爭耀三山明旌旗乍遶六朝樹一時僕隸化侯王  
宰相何人馬貴陽羊頭都尉騰關內狗尾公然列成行  
是時三秦邊報急商於鄠鄧皆充斥盧循欲向海上去  
黃巢竟掃關中迹左卒聞之膽已寒橫江舳艫卸馬鞍  
潯陽秋浦烽烟起千里長干一時殘先是公駐貢院裏  
老兵夜半迫公起亂箭如蝗射公庭躡身躍入江漢水



樊口赭山江水紅公遂藏身菰蘆中召號湖南多義士  
還期捲土來江東人傳叔寶已北去王謝燕子迷舊處  
兩王繼立甌粵間黎平公爲借前箸南陽纔罷衡陽興  
武岡邸第楓木平一夜西風傳漏箭郭外喧闐鑣馬聲  
鼠頭國舅劉承胤肉袒牽羊來相迎君王夜出延秋門  
絹輦柴車路蹭蹬黎平百折氣難回險阻艱難何壯哉  
枋頭輜重棄不顧順昌旗幟捲復開零陵桂陽成唾手  
三軍爛醉湘潭酒忠孝難全壯士心忍學王陵棄阿母  
更番江上萬貔貅三匝危城裹戍樓一劍猶傳姜維膽  
千里自行王琳頭嗚呼黎平何處是乃是中國西南彝  
羅施鬼國三苗壘星文遠接荆梁域夜郎直下牂牁水

大澤深山產龍蛇五開衛裏君侯家百年間氣鍾羅甸  
長城萬里隄星沙

貴陽行

匹馬崎嶇貴陽道萬里嶮岼多苗獠赤社何人撞破之  
纖兒曾說馬閣老憶昔先朝國變初白水還剖赤帝符  
維君隻手扶日轂江左想像管夷吾如何大節從中改  
胡賈公然居鼎鼐一麾閣部去揚州大小官爵惟視賄  
深宮終日醉長星未央宮殿白日扃宰相堂中無政事  
柳挿羊車且莫停是時江東晏安極忘卻神州舊社稷  
豈知將軍從天下一時交壓江南北貴陽左右失枝梧  
飽裝珠玉過西湖金陵城大不須戰六代烟花失三吳



抱頭遠遁錢塘去拖卻君王不知處山陰道中跋馬看  
驃騎已奪前旌路黃金如山不贖身先後徒爲兩截人  
前身未是賈秋壑今日忽逢鄭虎臣嗟嗟貨貝亦何益  
國老當年空定策半壁山河擲等閒鍊甕金山自潮汐  
我今攬轡過君里黎平一樣龍從起銅鼓石門下夕陽  
界河奔跳烏江水黎平未與白馬盟猶能報國誓忠貞  
君當泚頽見黎平愍孫不共彥回生至今人歌石頭城

滇陽送徐養心歸思南歌

有引

公黔人壬午鄉薦汀州之役爰走東粵晉太常  
奉使楚左遷永昌少選轉滇中督學會今上  
之十六年王師三路入公念天命有歸謁軍門

復疏原官如故既而以他事去余庚子夏秋得  
交公家弟駿聞座上同人多作詩送之余爲長  
言用弁驪歌之首

黔州荒徼西南角萬山崩劣青銅削隔斷中國三萬里  
丹砂筓竹黃金錯秦漢以還不曾開道路渣岬虎豹回  
中間光怪藏不住每在巖壑最深處曩者事在甲申中  
黎平忽起湘潭公洞庭波浪瀟湘濶照見碧血懸丹衷  
國家養士三百載臨危幸有黎平在人言紫袍花苗是  
鬼方自此人去無復夢見舊封疆我友徐養心磊砢負  
奇襟自稱生長思南密箐與長林仰天拔劍來東溟三  
尺秋水膩血腥藩自起無諸國手捫牛斗氣縱橫萬



星墜落溟渤地無端遂有汀州事披衣夜半望羅浮嶺  
外王孫天際頭是時公爲小司馬九真奉表來闕下亡  
何汲黯去淮陽迤邐君亦過永昌哀牢山下孔雀呼再  
見中郎下城都西南文教漢武帝池上石鯨近有無於  
鑠 今皇十六歲乃簡名王下雲貴將軍親統三路師  
鐵鎖橋邊耀旌旗公乃披褐謁軍門萬卷圖書山色昏  
維時草詔專封拜將軍由來制闡外還將祭酒領諸生  
未許英雄論成敗私心未敢負猿鶴乃憶白鷺洲前之  
舊郭我聞昔者田疇隱徐無自言身賣盧龍圖老死田  
間不願仕如君毋乃斯人徒又如襄陽龐處士景升百  
計不能取攜將妻子臥鹿門至今高名照漢水噫吁嘻

徐君弗復咿嘍悵離群種瓜蚤學青門客射虎只憶故  
將軍短筮三尺黔陽道青螺却向山中老

讀史亭詩集卷十 終



讀史亭詩集卷八

南陽彭而述禹峰甫

七言古詩三

歸化寺歌 庚子初冬

金馬山腰歸化寺雲城咫尺連東北崔巍殿閣何年置  
虬龍盤挈鬱松柏朝霞掩映光玲瓏簾牙詰曲茶花紅  
回廊飛榭不知數靈文樹木解翻風石梯蹭蹬寒蒼竹  
僧敲木魚狎豕鹿紫薇鞞瘵玳瑁僵梧桐倒掛鸚鵡綠  
憶昔勝國成化時金仙此地初初基山河已往將軍去  
今餘鼉鬪照屢屨門前車馬如流水狐兔悲嗥梁王壘  
前朝戰馬麓川功半入昆明黑劫裏此地古來鄰西域



葱嶺雪山相扼塞蓮花初產阿育王風壤實接衆香國  
十餘年來鐵鎗鳴髑髏化作沙蟲聲李淮郭多相繼起  
陳餘張耳接踵生雄心霸業徒灰滅六詔山河亦崩裂  
陸賈元通大夫璽臨邛今建中郎節往事滄桑不足論  
花開木落幾黃昏高車大纛何處去亭午荒山寺閉門

四戰歌

有引辛丑四日作

孫李據滇凡三戰一保寧爲劉文秀被我師大  
創而奔一廣西爲李定國定南王敗績死之一  
草橋亦定國我師復少挫時主兵者皆孫可望  
迨後兩雄不挫肉俎所事孫發黔省李自滇接  
戰交水孫敗來歸滇南事以去此自爲戰也不

與我戰之數其他辰常諸戰不盡載至於羅炎  
磨盤此敗亡之餘不足錄也繫馬昆明覽前王  
之遺邸感梟雄之舊事爲作是歌

一保寧

褒斜左擔蜀山路杜鵑啼血鬼哭雨錦江玉壘叢蟻蝨  
割據白帝藏金虎將軍十萬走城都內江外江一時渡  
是時孫渠據南中拔劍砍案氣如虹爲遣三軍敝甲胄  
鑿出凶門劉文秀晝夜兼行三百里斬山堙谷築壁壘  
窮追麀戰保寧城千山落日草木腥南兵帶甲捲土來  
黃金匿匣錦雲堆北軍聲粟呼風雷虎豹戰粟終南摧  
將軍躍馬親搦戰朔方健兒好弓箭西洋火炮武剛車



迅掃南兵如飛電南兵象馬積如陵夔門劍閣積屍平  
君不見甲申大戰關東日唾手堪擒李自成嗚呼一戰  
兮戰正酣應憑長劍掃雲南

二廣西

獨秀參天天五尺黃沙白晝走霹靂羅羅跨象湧山來  
一隻可當萬人敵飛弩毒矢如風疾銅騎金甲山嘶日  
名王劇戰鐵衣紅宮中火流星流空孤城援絕城已摧  
寶玉金章付劫灰左嬪右嬙同時死嶺南真見鐵漢子  
嗚呼二戰兮戰數奇千古英雄百粵陞

三草橋

祝融南去雁峰迴蒸湘水對寺門開月冷草枯霜華夜

白骨烏烏逼人來使君問前路乃是南北交鋒舊戰處  
我馬躑躅掘地鳴我僕膽悸不欲行使君仔細聽耳邊  
微聞刀槊劍戟百萬金鐵人馬踏籍之行聲憶昔兩軍  
相當時旌旗蔽天閃躩踞南鬼煩冤北鬼哭交趾毋象  
大如屋百粵烏鎗三韓箭獅子吐火元黃戰飛鏃蝗霧  
捲長沙烏食人肉亂如麻東珠璀璨嵌兜鍪千金竟購  
大王頭嗚呼三戰兮戰不利南楚賴有長江蔽

四交水

郭李自相傾陳張乃隙終二物不並大神位生巨憨中  
原自失咸陽鹿么膺餘子相徵逐西川割據彼何人腰  
領灰滅空碌碌孫李抱頭如竄鼠穴此西南一塊土不



甘老死棘屢中假借朱陵擁共主牂牁江上豎壁壘十  
年喝斷五溪水人謂葛相將復生豈知朱溫特未死囚  
繫安龍空怨嗟後世莫生帝王家刎頸忽爾結深仇二  
子治兵交水頭大兒側目雲南府手屠龍孫臭龍子次  
兒揮刃板橋東誓死不宥悞乃公虎豹股粟天地黯秦  
王晉王來酣戰一成一敗彼此分十萬枯骸性命賤遺  
矢斷戟沙場鐵斑花土繡壯士血停鞭下馬繫長亭道  
傍遺老為我說是日東南風正急秦軍大勦寶刀折秦  
王帳下曹無傷夜半曾將軍情洩秦王塌翼望東行晉  
亦跋馬回昆明嗚呼四戰兮戰相戕滇黔萬里歸職方

白水行

先帝升遐十八年 今皇龍飛之二月賤子驅車雲南  
來新捧簡書入西粵是時六軍尚駐滇雕弓羽箭滿市  
塵積藁白粲相鏹屬東南水陸飛金錢滇田磽确歲一  
穀甌婁一丘租一斛間左烟寒狐兔嗥破屋微聞寡婦  
哭板橋南來白水渡衰草頑山無一樹頽垣廢堡兩家  
村中存一線行人路我友南寧長其人程伯建蒼頭持  
書夜半來驚心陂陀見于思書前何所有為言江夏別  
今是五載後書中何所見廼言求我詩勝當百疋絹嗚  
呼伯建抑何癡我詩何能萬古垂只今聖人漢武帝遠  
略開拓西南彝笑我隨人徒碌碌僅能百日醉昆池昔  
者陸賈好詩書趙佗一言九郡歸司馬相如善為文中



郎持節開滇雲世知二子能文士豈知二子所長殊不  
在此我何人斯所遊之地迺與古人期君不見雞狗之  
血飲銅盤縱羅千人不能救邯鄲丈夫有權能救世文  
章無命工徒然周絳侯霍子孟一朝將相功業天地間  
李杜萬丈光芒知何用

貴州晤王樸齋

名鏌山東人  
辛丑三月

王郎鬚髯天下奇蝟毛磔磔飛黃絲駿骨峻嶒華不注  
雄風崛起東海陲燭燭芙蓉寶玉鳴夜半光寒斗牛橫  
自昔跨馬走長安諸侯上公盡交歡坐中朱亥邯鄲椎  
洛陽劇孟爭追隨尊前不顧尚書期灌夫季布大小兒  
一麾車蓋來江楚手拉滕王親致語有酒頻澆陶太尉

華子魚輩不足數趙尉嶺南尚阻兵壘書曾聞致陸生  
回首還開牂牁道夜郎鬼國一時掃僕也遠從六詔來  
把臂筌竹城之隈拔劍砍地讀君詩如同鉅鹿酣戰時  
犵狁烏苗皆破膽蠻王長跪前致辭天涯知己惜分手  
驪歌莫問旗亭酒桂林山色蒼梧雲鷓鴣陰雨不堪聞  
貴陽芳草三月暮不知何地更逢君

都勻歌

貴陽使者河東客貌姑山青沁水白風節華胄振箕裘  
廿八羅胸天地窄亂裏一官走豫章詞源爭如九派長  
爾時侯景窺江左適值蘇峻起溧陽公視此物如蠓蟻  
王維官受祿山爵翻身跳入蒼梧雲手捧金冊朝



尊經略丞相受命方南征將子署為老參軍既定五谿  
夜郎旋開西南君長相率俱來我前捧檄入六詔邂逅  
逢君劍南道今日單車入桂林相逢舊邸夜雨深子亦  
有命入西秦脫手相贈雙南金黯銷魂惜分手寒雲暮  
幕黔中柳我作嶺表客子稱關內侯瘡痍滿眼羽書未  
休丈夫不為稻糧謀茫茫別恨水西頭

武岡雙杏行

有引

管陶士行令武岡植雙杏幹大如困數十圍高  
準是年來皮枝剝落蘚棲其上生意枯焦約二  
千年物矣守浙東吳六吉作甓護之予自滇藩  
移粵經此地為作歌

陶公手植樹雙株輪囷杻柯山岳扶兩雄並霸西南角  
倚斜排蕩神焦枯龍虎攫拏蛟螭走赤膊擬向雲霄趨  
骨皮皴瘃蟻子穴蕨蕤蘿蘚生積鐵老烏將雛巢絕巔  
風雨飄搖不肖折勾吳太守來浙東爰為甓砌護厥躬  
宮墻咫尺分俎豆如睹典刑永嘉中盤根直節二千載  
秋霜烈日陶公在豈知前此十五年大物一旦蝕光彩  
禿頂還搖祝融雲怒號拔起洞庭君古柏何數孔明廟  
大樹俄失馮將軍我為婆娑坐其下古氣森沉迷朱夏  
酌酒還澆陶八州一木真堪支大厦憶昔司馬江左時  
上下南北羽書馳棟折梁摧鐘簾覆一時將相失枝梧  
去聲惟公灑血誓登舟掃蕩宮闕見石頭自此秣陵一塊



土得公再奠成安堵溫家太真絕裾來與公提攜心良  
苦睹物思人轉惆悵晉室安攘存七鬯葛藟猶能庇本  
根柱石如公豈可忘君看此物豈無神歷代撐持亦有  
因樛枝遠蔭長沙墓萬劫常留天地春

宮牆句以隣  
學宮故云

中秋小集

看月難得值中秋况復中秋在嶺頭石渠婆娑菡萏舞  
天涯兄弟飛觥籌觥籌交錯還度曲胭脂花對幽篁綠  
琥珀激灑玳瑁紅蘭膏明滅漏聲促座中已見月華升  
玉盤飛出五嶺東山河大地水晶裏冰綃誤入廣寒宮  
桂林白露更盈盈一尊爛熳越王城今宵得遇故鄉月  
故鄉爭如此月明昨年此日遊昆海金尊玉斝棘僮外

今年匹馬走粵山良夜兼逢知己在人生百年已過半  
十載飄零客異縣目前黃菊又將開昨日初聞北來雁  
問君何事還不樂欲駐紅顏無大藥君不見獨秀山頭  
落葉紛向來歌舞石榴裙至今高臺一任麋鹿遊夜半  
古木響鸛鷓

石將軍歌

有引

將軍號荆山吾鄧人爲予表姪與予鄉社相望  
同作諸生既見中原多事棄去豪於酒能度曲  
精騎射廣交遊不復事生人產鄉人不知也獨  
予知之今興朝定鼎名王南下謁軍門得爲  
虎賁亭障涼州再遊河間會辛丑予遊西粵將



軍亦以是年分幕桂林隸撫軍戲下相見如夢  
計予別將軍且二十年棲遲嶺外故鄉親串來  
希幸得將軍杯酒道舊破塊壘亦佳話矣重九  
飲將軍別業芙蓉花下陶然盡醉走筆爲石將  
軍歌次日即將軍誕辰爲將軍壽

將軍天資原磊落少年不受諸生縛雕弓羽箭常在腰  
唾手欲取封侯爵每讀衛霍諸人傳將軍擊節口稱善  
丈夫何事不戎軒安能鬱鬱長貧賤將軍跨馬出門去  
回首曾無妻孥慮真王承制下江南適遇前麾鄢郢處  
將軍獻策軍門喜天吳朱鳳賜衣美從此將軍稱愛將  
羽林金吾各相讓一麾鹵簿走西涼天下精兵古戰場

姑臧城外草迷離將軍每日射黃羊牙纛再領漁陽騎  
雲中上谷畫角吹將軍密佐中丞算易京樓臺不用戰  
維時 皇帝南顧問西粵近來不閉長沙鐵趙佗呂嘉  
亂既定漢家竟啟日南郡本朝兵力全勝時將軍爲我  
勒銘直至南海陸將軍謝曰惟 天子聖且仁鼻飲川  
浴敢不臣坐見國王豎旗降象馬從此不敢再飲富良  
江昨日朱夏信使來接踵稽顙拜中台海貝瓔珞貢上  
國交趾今已安反側我聞將軍攜有西涼綠葡萄此物  
釀酒令人飲之膽氣豪將軍明日是懸弧帳下壯士各  
爲將軍盡一瓢滿堂客醉芙蓉花况我與君相遇在天  
涯此花爛漫迷五色手持琉璃貯琥珀酌酒伏波山爲



詩集卷之八  
問新息侯英雄仗劍萬里邊蠻方何須更憶馬少游

觀察黃抑公山室歌 有引

室甫成納以書帖四壁粉堊綺疏霧縠疑在五  
壺階祀甃砌蒔秋菊百本甕甌置短垣上略經  
布置雜花稱是最後湧高臺周望四遠桂林萬  
山揖拱几席如聞警欬笑謂抑老誰謂公廉半  
畝之宮載千筍來矣同藩伯德輝學憲紫雲為  
作歌落之

黃公夢山真癖絕一園幾欲藏百粵百粵奇山在都會  
珠聯璧合各引類黃公學得縮地術以之縮山無不足  
觀察署內有隙地公欲看山巧布置幾回度土事經營

要領當無過此處公為築室兼築垣辛夷作柱竹作門  
生平尤愛柴桑客五色菊花種百盆蘭蕙不須更計晚  
短松禿如鉸刀剪枸杞茉莉相後先橘柚垂垂帶橄欖  
石丈層臺如人立牕紗凝烟晚照碧酒熟忽逢嘉客來  
拉客看山一登臺臺上山光杯中落片片青山供大嚼  
已羨臺成驅山鞭更許山作下酒物我聞君住東南海  
國城武夷山高參斗橫綿亘磅礴八百里萬丈瀑布噴  
雪水此山真可作兒孫君胡為乎置之前軒與後軒黃  
公謂我君其謬看山何必似家山况夫粵山原與甌山  
連十年薄宦風塵老是山皆可破愁顏有酒不妨對山  
酌無山有酒亦自樂但須對酒讀君詩何必千峰與萬



壑

西粵胡方伯歌

有引

方伯字德輝武定人太翁博極群書屢困名場  
教甚嚴方伯奇穎又能彎弓馬步射會值鼎造  
方伯以髫歲選人考上第筮仕昌平擢陽和晉  
河東兵巡所在稱治既廼敷歷三秦二東及兩  
浙藩臬當一面學學有聲最後有西粵之遊歷  
今官西粵接滇黔巨猾方殄國新立飛輓仰給  
他郡公咄嗟而辨語曰山東宰相自漢已然今  
聖人起東海密邇豐沛又其時矣旦夕借公中  
書籌畫天下事有如此粵又或以公兼資之材

俾以方虎之任豈韓范諸君子所得希美於昔  
哉辛丑重九後二日為公攬揆期爰壽之以酒  
作為是歌或者曰公年方強仕春秋正富衍為  
大年此不足為公壽解之者曰太翁方康強天  
子方南顧側席而求壽公者壽國家也

天產蠻荒作百粵中國五嶺相隔絕漢家帝子逞雄才  
萬里車書朝北闕自此列入王會圖明珠翡翠走番禺  
馬人龍戶來稽顙春秋冠帶盡蒼梧勝國末葉邊塵起  
寇盜縱橫豎戰壘荔城象郡竟甌脫編民化作灘江水  
今皇御極再興師城內無人只健兒况兼蚤窟蔽蟻蝨  
尚主時復報反側爾時孫兵兼象陣日南猶未復九郡



蓼擾如此蒼生何冢臣何以佐轉運 天子詔公惟舊  
臣爾其爲我策九真牙籌未已漏鼓歇節樓蘭膏正明  
滅舳艫銜尾到江頭真見黃金地上流驍騰士馬嶺南  
道貔貅日增十萬竈前日交州新入貢手挾芝房兼銀  
甕行省威名入雕題會見侍子來親送同時撫軍亦雄  
略與君夜半相咨度石田椎髻種菑畝猺姬獍女把犁  
鋤我思關中王業首蕭相汗馬會不敵轉餉古之方伯  
總六師豈如後世區區但度支坐看節鉞下期門整頓  
乾坤報 至尊男兒致身將相未四十爲君東取朝鮮  
西崑崙

又方伯詞代

我公起家燕趙邊營平鎖鑰雲中守迄今馬邑雁門間  
亭障威名常在口畫戟再爲蒲坂行藐姑山色黃河聲  
已收潼關百二險還下山東七十城前騶一問無諸國  
鼇眼射波海天黑談笑收拾兩浙中東南再定蛟龍宅  
帝念嶺表在天末爲報呂家新受縛陸梁密邇接滇黔  
屹屹方嶽在南陞何須更煩十萬師伊余三度從君遊  
前者齊晉今嶺頭菊花燦燦照金甌况逢桑蓬懸節樓  
滿斟椰酒爲君酌蕭蕭黃葉尊前落男兒及壯當封侯  
高密早受元公爵

藤峽弔古



造物亦知地維缺胚胎東南忽而結交廣風氣接炎洲  
海氣噴薄凝積鐵綿亘延袤六百里高入層雲下無底  
蒼梧雲氣貫其中潯陽江水勢砰訇兩山截業劃然開  
鴻荒以前斷絕人煙不往來中有猺狠常居此鳥言卉  
服椎髻而漆齒藥弩火箭不離身芥釁報復日斷斷有  
藤何來麓如輪牽橋百丈渡行人屠牛刑馬喜戰伐往  
往憑視大藤峽縣官不敢問里正且莫賧磨牙吮血相  
鏖戰左韃右橐解弄兵我思成化正德年中事嶺南蠻  
虺奮螳臂矯命再見儂智高抗衡欲學南海尉三十年  
中變三起爾時土木禍初已前有韓雍後蔡經中間底  
定王文成王公但借田州兵餘威恐喝八塞平蔡經亦

用萬達策公丁猖獗不可得惟有韓公爲其難爾時賊  
已煽亂兩朝間攻隋郡邑無虛日朝議洶洶日顧南韓  
公用兵尤奇絕十七萬人八道入虎穴決策不遺新會  
亟立斬指揮何足說此事去今幾百年戰功猶在嶺人  
傳樵子陰雨拾斷鏃沙場尚帶土繡綠我聞近日峽人  
耕作稠估客時通魚鹽舟歲歲伏臘祭三公膜拜獻牲  
一與祖先同如何當時朝廷賞獨薄威寧靖遠偏獵五  
等爵歎息爾時監軍無中官致令此事封拜獨寂寞

秋日灘江東龍隱寺讀磨崖元祐黨人碑

桂林城外灘江東巘崗陰森藏古寺青壁蜿蜒走雲霞  
魚蟲剝落前朝字萬木蕭疎一氣中英魂高叫老蛟宮



手掃蒼苔認邊傍，雙眼模糊失光芒。石鰾澁繡復積鐵，  
懸鉞垂露半磨滅。薜荔綠沉元祐人，雷雨陰垂皇宋碣。  
司馬君實來洛中，眷山伊水相率從。最後忽出黃豫章，  
細尋惟遺米襄陽。勁節高風不可見，金繒社稷元黃戰。  
蔡家父子何披猖，三百九人開生面。當時石工彼何人，  
朝堂不懼丞相嗔。至今嶺表蒼梧地，想見諸臣瘴癘身。  
或竄或逐威福歇，富貴繁華如掘閱。力能禁錮及終身，  
豈知史冊光日月。汴水東流艮嶽圯，花石君臣今已矣。  
舉目不見宋乾坤，諸君姓字空山裏。

秋日拜伏波祠同抑公德輝紫雲諸君

伏波山接桂林城，孤峰突起插雲表。黃葉蕭蕭撼虎豹，蹲

峻嶒獨壓廣南道。我來繫馬值秋晨，想見將軍百戰身。  
鬚眉欲動劍花落，舊是當年矍鑠人。將軍去此幾千載，  
俎豆依然血食在。只今輟國文身地，歲時伏臘常不改。  
灘水東流此山存，蠻風瘴雨幾朝昏。祠下松杉烟漠漠，  
祠上芙蓉萬仞削。回首中原望雲臺，不見當時功臣閣。  
再拜伏波祠作歌

漢家世祖中興日，交趾猶稱漢郡縣。弄兵忽起兩女子，  
帝遣將軍爲定亂。將軍秉鉞號伏波，手揮日南萬里戈。  
朱崖九真歸底定，浪泊西里幾戰勝。桂林是時交州之  
北門，灘江煙鎖暮雲昏。孤峰蜿蜒傍江起，上入青冥下  
無底。有洞劃然向北開，人言此地將軍還珠來。此山因



以伏波名萬丈雄峰湧出蓮花臺將軍一去無消息此  
山挺立百粵常與天地無終極歲歲蕉黃荔子紅野棠  
間雜木芙蓉遙望中州三十六人雲臺何處是烟樹茫  
茫但一氣酹酒問將軍當時火德欲燔赤龍未興隴蜀  
紛紛各問鼎赤眉盆子據關中如何識得真人出白水  
遨遊二帝意獨在東我聞至今安南國黍稷馨香烹羊  
醢酒欲報將軍德將軍神靈著南海將軍名姓光史冊  
椒房不宥貯南宮卻恐丹青污顏色

全州道中聽松歌

全陽古松夾道立森陰虧蔽無雲日楂柯遙接蒼梧嵐  
千年青翠何鬱律蛟拏虎攫枝撐幽炎天白日藏鶴鷗

牙孽盤屈青銅根九嶷雲氣頂邊浮客行六月安南道  
回廊曲榭恣窈窕鏗鞳忽從車耳生響像舛互不可曉  
百萬鐵騎頃刻變昆陽鉅鹿互鏖戰饒歌鹵薄鼓吹兒  
又如雄王獻捷告廟時匡廬瀑布錢塘潮渤澥橫流海  
怪號彭蠡洞庭環左右銀河倒注雪山高久之微聞雅  
奏出髣髴周郎來度曲尚主蠻腰柘枝舞秦箏趙瑟斷  
復續神魄恍惚聲聞歇如醉如癡不可說車殆馬煩人  
忽蘇迺覺此身在百粵萬木何獨松有聲萬木獨啞爾  
獨鳴松爲人語辭則恭千百萬株化作龍敝秦大夫何  
能爾向者不見大王風

桂林行



西南風土古百粵城外山身何稠疊歷落巉巖相結聯  
萬莖蓮花生鑽鐵下有鬱藍萬里之灘江想見當時下  
瀨艤辛夷花發虞帝祠古柏笙篁無歇時朱門舊邸青  
燐走訓狐夜啼雨垂垂憶昔六師號專征此地曾經兩  
用兵山川糜爛無耆舊一時獬豸漏南寧滇黔近日雖  
收復閭左尚聞寡婦哭獐狝尋戈相仇殺民間更無半  
間屋饒有菴閭屯蟻虱鴻雁依然在中澤米船啣尾括  
東南鳴榔猶覺九江窄近日部氓亦徵租公府文牒滿  
蒼梧磽确新穀纔上塲有吏不待官家呼 天子使臣  
治郡縣就中土司居強半我聞勝國開粵時安置岑黃  
兩姓浔江畔南交黎莫稱外臣歷世干戈相斷斷此物

前朝攻之不能下四千里地棄朱垠一自 興朝震雄  
略前日安南就戎索貢來霧縠瑪瑙盤繡脰花裳拜王  
朔一時遠人喜輯柔聲靈今過南海陬此去君門真萬  
里春風不到五嶺頭念茲瘡痍猶未起中丞早建籌邊  
樓

從軍行爲張一菴賦

江東年少張一菴手提神物三尺寒追捕白額縛長蛟  
三吳俠士讓君豪性癖佳句尋謝眺高牙早建宣城道  
翻身射翼入雲中螯弧蛇甲白草雄指揮即墨五千兵  
唾手山東七十城圮橋素書無顏色華不注山戰雲黑  
心念尉佗不歸朝 聖明南顧徒勞勞張公磨厲匣底



鷓鴣刀霜花如水照吹毛笑彼洛陽一布衣猶欲父子  
死南粵况復興國將相多如林席捲九郡何足說鳴鏑  
直踏蒼梧雲鷄尾炎州蕩妖氛紫騮叱咤過南極穹龜  
大貝來鮫室富良江上豎降旗胸中甲兵真賢百萬師  
賤子一官萬里來繫馬邂逅伏波山之下與君彈碁更  
酌酒真氣素心生戶牖自愧腐生三寸竹半世無聞徒  
碌碌白馬何曾問詩書列侯將相幾見出文儒佔畢悞  
我頭空白丹青無名老邊塞因君再歌伏櫪詞我有壯  
心君應知

粵遊歎

瀟湘南去五嶺頭風煙萬里隔神州毒蟲惡草相蘊結

中有怪鳥藏鷓鴣朱夏炎天流金石行人如在火山脊  
祝融乘權愈驕蹇生人八九化作碧我聞胡德輝方伯  
爲我言宦遊此地失精魂去年之官入西粵百人今有  
幾人存 天子帷蓋念使臣中丞郵符給亦頻更有扶  
襯歸無力白骨終然瘞異域所以西粵成畏途馬蹄斷  
不入蒼梧一人官此一家哭不見除目見鬼錄嗟乎此  
事是耶非作官豈必在王畿君不見旅食京華歎積薪  
長安豈無陳死人又不見衛霍出車事朔方三軍士馬  
亦相當豈必嶺南能作厲漢家因而棄朱方我聞江南  
爲橘江北枳鷓鴣渡濟偏能死物生固有性人生亦有  
命陸賈過嶺曾北歸馬援征南年已老猶能兩戰出重



圍丈夫如不南粵走爭似鄉里小兒紛紛僵尹兒女手

水月洞 有引

在桂城東半里山踞水中作象鼻形鼻之下群水所匯每月出映水水映壁石光怪殊絕漁舟其內聲窸然矣

桂林有水繞城隅百千萬山向東趨中有一山不欲行十二辰中姿相殊盤踞中流挺偉軀厥鼻蜿蜒十丈餘矯矯欲捲往來舫是石是鐵森模糊鮫宮貝闕疑象魏水怪見之生嗔畏此物元自產日南坐鎮蛟龍如無氣歲久波深忘本形舟子漁人但髣髴髣音寶韻又音沸見靈光賦不走不鳴有鼻存噴薄鯨鯢當百卉鼻下盤渦時蒸雲噲呔韉

鞞娛象君月華何來生水底爛縵忽成五色文琉璃盤托明珠出寶氣離陸照夜分鼉鼓歛然掀地軸有時真象來相逐天地黯淡海若藏霹靂跋浪震山谷九疑雨氣翻磊砢耳後風生鼻出火我欲醺醪載百壺左攜篙師右象奴捉月入洞任狂呼屋梁影落滿蒼梧我聞林邑諸國戰此象即可作車徒近日兩階舞百獸呼嵩擁立當彤除麟角鳳嘴供上國何事象鼻復區區

分水塘 有引

塘在興安即灘水之源其地當西南最阜水分南北下多石峽傳為秦時所開云

五嶺南來石碣砥千峰開遍芙蓉朶地接雲霄水不流



天限南北離江左一作分咸陽帝子事雄圖六十萬人鏟坎

坳直驅疊嶂學平陸一線中分凌飛舸舳艦啣尾入青

天長年欵乃催行柁象郡龍城歸職方雕題漆齒在嶺

鬢南人使舟北人馬漢室將軍從天下呂家相國漫屈

疆犀甲戈船一時瀉大軍騰飽戰艦稠明珠翡翠來中

夏鷓鴣歡呼屬玉鳴萬里舟楫憑此間綴上聲開也裂也蘆葦蒲

牙兩岼綠打鼓開船斷復續鹵簿忽出馮夷宮時見中

流閃大燾人謂百粵是瘴鄉水行殊不苦蒸毒就中苻

藻何森蔚時見漁郎窮罟罟估客日載東鹽來山民饜

棄黃魚味我來局促一扁中斗酒自勞還自慰無端忽

憶創始年物力人工幾經費今逢四海同車書黃屋久

無真定尉垂衣平秩到南交聖主聲教正四暨

再送祖大參入覲兼訊舊遊

霜花十月廣南道扁舟送子傷懷抱羨子北征入長安

我復羈旅在嶺嶠憶君昔年乘驄馬豸冠峩峩稱使者

如何一麾到朱崖兩年遠宦蒼梧下五陵公子舊豪遊

薊門風雪鷓鴣裘况是公車計吏日手賫桓圭入鳳樓

少年天子臨軒問漢家百粵原九郡前日交趾朝貢

來川浴鞮國皆效順君為拜颺聖人喜王化綏服過

儋耳珊瑚玳瑁不須多獨羨車書通萬里爰命冢臣簡

茂異多君曾攬澄清轡即看斧鉞賜專征晉秩一比藤

峽事嗟予猶作炎荒客半世虛擲頭已白因之翹首望



桑乾無端想見張華宅我友合肥龔大夫胸中羅列廿  
八圖久知司馬排元祐未審李膺去東都勳業幾能兼  
制作文章不上麒麟閣君才十倍過曹丕莫怪區區  
落魄

書所見

畚鍤雲舉雉堞開黃郎鼓櫂沙棠來香亭旖旎柳橋隈  
醉擁如花笑江淮金雀紅唾蘼蕪綠倚徙象牀呼銀燭  
碧流繡戶芳園美壕鬼鳴鳴骨成壘

定粵寺

百戰功成金刹起鐘聲填咽鼓聲死觚稜拏雲鴟吻號  
熊羆爭入星月高玉階霜華老苔溼夜半如聞龍象泣

銷沒真王一炬中陰雨空山萬感集

賦得早起寒霜似雪深

祈連山下北風起漠漠驚沙一萬里明駝戰慄黃羊僵  
漢家將軍出定襄夜來寒星搖練白部伍晨起無人色  
彎弓十人九隋指紫騮蝟縮雕鞍死幕上有烏禁不飛  
蓐炊籩簞滿金微僕射終然如父兄安能人人挾纊到  
邊城無定河旅魂哭賀蘭坡烏啄肉角弓鳴處膠漆折  
况復沙場寶刀缺

登萬壽寺塔

神工鬼斧撐撐絕貝葉靈文碾短碣夤緣似上蛟龍窟  
窳窳忽驚蝙蝠穴三江水氣蒼梧雲鈴柝淅瀝不可聞



百感如觸曠士懷東南九郡劃然開如見星辰在戶庭  
朱門人烟纔如蟻蒼茫指顧日南國照見銅柱青冥色  
却憶金人辭漢年清淚如水下流泉不及此物崢嶸人  
能令交人爲世守日暮風高增歎息南海朱鳥在咫尺  
古寺鐘聲黃昏起滿城笙歌出壁壘

伏波行

伏波山下酌君酒我在桂林君去柳客邸逢人歎白頭  
縞紵無人公最久憶昔先皇戊子歲定南授鉞征南  
時戲下熊羆八十萬迅掃湖湘築鯨鯢幕府何人練掌  
故獨有黃州草露布磨墨楯鼻倚馬成翼軫山河皆內  
附我捧簡書來京國真王駐馬衡山側旌旄疏入我牂

荆明光 天子動顏色爾時把臂識君侯長沙星物木  
蘭舟彎弧躍馬入夜郎杯酒別君在瀟湘男兒殺賊未  
貴黃金肘笑予曾被妒婦口我去故山子南遊猶記辛  
卯相逢五嶺頭自此與君成再別落月屋梁不可說豈  
知老去萬里走西南天地重握手去年共醉羅施城鐵  
騎邊月踏秋聲今年擊馬象鼻山復得與君劇飲相盤  
桓追憶前王不可見碧梧蔽桂滿西院人生知己苦無  
多耳熱悲來淚如霰

線將軍

鐵幕霜寒虎韜驄棠谿干將光玲瓏當殿都護金斗  
左列魚麗右犀首腰間寶玦賜尚方四尺角弓綠沉槍



大戰七十小四十鷓鴣先登氣無敵九真象齒雕  
駱田君長來獻琛血戰功高更無比遠拓炎荒一  
漢家白馬丹書新如君闕閔復幾人

流蘇駿馬五花身平踏沙場氣絕倫束髮從王起東海  
憑君迅掃咸陽塵中原已靖黑山穴名王唾手下南粵  
灘水桂陽壁壘開親縛尉佗報北關伏波山高羅虎帳  
炎荒萬里列亭障我來長揖上將軍時向西園醉画舫

全總戎

獨佐名王起海甸踰科頭三十萬牙旗十丈蕩蚩尤  
七尺刻畫百餘戰自昔戈船下番禺長姣織指錦羅襦  
軍中有婦氣不揚將軍志操凜冰霜石相祠宇樂公社

真見父兄作僕射古來不少躍馬登壇人貫願奮戟徒  
紛紛幾見卻穀與祭遵

送桂林司李蘇念溪之官虔州

春陰幕幕灘江側嶺外蠻雲學墨色伏波山下送同人  
可奈離尊只頃刻自笑垂白作壯遊桂林繫馬已經秋  
邂逅蘇君歎不及而今試看嶺南集星巖象鼻幾回醉  
鐘聲夜半棲霞寺目前喜無拘忌人跋扈飛揚笑俗吏  
唯君健筆起東南海上樓閣飄緲間樂浪琉球連日本  
雲煙變滅藏毫端同時奮袂者誰子親逢勁敵豎  
謝眺驚人苦不休謝天樞也亦聞人等閒欲逐秦鹿死謝  
御史嗔落魄天涯惜此人不應君復捨我去茫茫



潯陽樹我聞虔州江楚之上游制府此中建節樓  
貔貅三十萬一時同赴章貢流至今瘡痍猶未  
鬼哭殘城裏君去試拜新建祠想見洪都定亂時  
陰雨

胡德輝中丞之官南贛握手灘干許為翻刻小集  
書此志感

開府文章許燕手雄風崛起濟南後楯鼻墨成戰馬中  
蘭臺賦就明堂右齊梁小兒何足說囊括汲冢探禹穴  
從橫中原一萬里廿八星辰胸羅列我來嶺南時把臂  
朝夕得與芝舫會見君吏治飾經術合浦日南貢租稅  
笑我下帷三十年名山風雨手一編欲將副墨公海內  
恨無十萬青銅錢胡公愛讀禹峰作潦倒藝苑恣盤礴

欲出中郎枕中書懸之國門任筆削我謂公曰此粃糠  
不堪隨汝過南昌江入潯陽九派濶滕王閣下好文章  
維子謂我不凡材麟角鳳嘴鬱崔嵬黃鐘一出瓦缶息  
上叶清廟生民什慙慙攜時過嶺頭明珠大貝耀南州  
木客山君皆辟易海王島服來相求君不見昌黎遺稿  
萬人傳廬陵隨州開其先又不見知章一言重李白天  
子調羹賜顏色豐城遇合自有時舉世還有一人知當  
其金石銷沉後龍鬪雷電光陸離我聞公言三歎息我  
生負有征南癖亦知立言能不朽未必大業能經國討  
君一笑癡情生多君貽我後世名

江東歌送張一菴



張侯得意江東去我欲挽之不暫住問君欲去何  
張君笑不言其故江東昨日有書來細檢篋中  
自開中云里胥徵租稅男丁女戶相鱗次一分二釐五  
致使姓名掛吏議新朝大農重催科江南江北逋欠  
多一朝緹騎從橫出斗粟尺布成網羅張侯有母年七  
十時常望兒倚門泣幾欲解組不得歸今朝歸去樂何  
極行李已繫伏波山挈榼提壺相追歡人生離合不自  
由試看始安嶺上分水頭一帆遠影過蒼梧一帆搖曳  
下楚州此如人生暫分手萬里東海終合流我與君復  
類此訂後期何處是我攜敝帚三十卷此物不令世兒  
見多君爲我付棗梨黃金不覺咸陽賤供人喜怒良足

嗔安能共君北去樓老禹山陞姑蘇毘陵我舊遊因君  
更憶五湖舟

嶺南再晤姚亦若

有引

姚諱繼舜歛人而長於鄧與予諸生相善先朝  
亂避地大堤登臨宴會靡日不同予筮仕晉陽  
單車來訪遮留彌月贈答連綿篇章燦然鼎革  
後不聞消息者十餘年計同遊諸君但化強半  
斯人俱盡不可考矣康熙元年予官桂林亦若  
忽從東粵來疑以爲鬼視其刺則予三十年前  
所與善之亦若也歲月遷流山河頓異  
子獨爲傳人斯亦奇矣爲作嶺外歌

咄二



峴山襄水鴨頭綠與君共聽銅鞮曲日逐歡場俱

藥欄酒榭記華屋我自種花汾水去君隨勒馬

句注

黃沙榆塞咫尺間亭障望見白登樹開皇別館下

陽

杯酒送君入帝鄉急管繁絃日已暮便同蘇李限河梁  
碣石行山分手期袖中各有銷魂詩豈知轉眼滄桑事  
即在跋馬別離時井陘居庸戰雲黑等閒斷送大明國  
金仙流淚銅駝堙百年天意混南北聞君先此渡秦淮  
我亦抱憂白門來山河迢遞不相見飄零遊子各異縣  
一官馳驅大湖南十年塌翼高高畔中間更作滇黔遊  
鐵橋金沙天井頭死生朋輩音書絕西南戰伐無休歇  
春鴻秋雁兩蒼茫異代繁華成永訣老來更作桂林行

伏波山下棹歌聲將子何來真如夢劫灰朱邱干戈送  
耳聾眼花頭更白那是當年舊顏他低徊追憶往時塵  
十之八九泉下人多少黃壚生舊感不獨喪亂一沾巾







